

XXI. Vorkoft de Rad ienich perd, unde denet jene vort mede des id is, vorderf id, eder vvert id verloren, de Rad en darff des nicht ghelden, unde me scal eme ok neyn solt dar ummegheven.

XXII. Vorkoft eyn man eyn hus dar he ervetins ---

XXIII. Swe lifgheding kopen vvel, de scal id van ---

Reliqua precedentis & hujus ultimi articuli desunt. Sumta autem sunt eorum initialia verba ex indiculo qui opusculo erat praemissus, unde etiam constat hic ejus finem esse.

XIIX.

ORDINARIVS SENATVS BRVNSVICEN-
SIS, JVSSV IPSIVS CONSCRIPTVS. ANNO DOMINI
M CCCC VIII.

ex MSto.

Düt is de Ordinarius des Rades to Brunsvvick, den leyt de gemeine Rad schriuen nach Cristi unses Heren gebort verteinbundert jar, darna im achteden jahre to Paschen, unde hier is inne geschreuen de handelinge des Rades, alse: vvat de Rad van tiden to tiden to donde hefft, alse den Rad to settende, ore Ambt-rechte to settende, gesinde to holdende, unde vvat en jouwvelek von sines ambtes unde denstes vvegen to donde hebbe, unde vvat de Rad don schülle in sunderlicken tiden dat jahr over, alse dat nu begrepen is.

DUth bok schall me antvorden dem Borgermester in der Oldenstadt, up dat he seen möge, wat he to reden by dem Rade bringen schulle, up dat des Rades handelinge unverborgen unde unvorgeten blive, vvat öne geböre tho donde, unde delle beteren vortgangk hebbe. To dem ersten is hier geschreuen:

- I. To dem ersten vvu de dreyvoldige Radt gefatt vvat to dren jahren in juvvelken Wickbelde, unde vvu vele der vvesen schal.
- II. Wu sick de Wickbelde einigen, den dreivoldigen Rad to settende,
- III. Wu men den Radt kundigen schal in jovvelken Wickbelde.
- IV. Van dem nigen Rade, vvu de sitten gheit in sinem Wickbelde.
- V. Wu de nige Radt sweret unde sitten geith in de nigen stadt.
- VI. Wu de Borgermestere des Rades vwort spreken schuldt.
- VII. Wu de Rad de dore to der stadt bevwaren schall, unde de ambte setten.
- VIII. Von dem Camerer in der Oldenstadt.
- IX. Von dem Winheren.
- X. Von den Richtheren.
- XI. Von den Buwmestern.
- XII. Von den Müffemestern.
- XIII. Von den, de den müren graven bevvarth, unde van dem Tekemester.
- XIV. Von dem, de by de Taverner tzise geith.
- XV. Van dene, de der lantwere vorstaen,
- XVI. Van demede dat borgergeldt vervvarth.
- XVII. Van den schlötteln to dem groten ingefegel.
- XVIII. Van den schlötteln to den breve kesten.
- XIX. Vanden schlötteln to der geldtkesten in dem gerhuse.
- XX. Van den thohopegaende des gemeinen Rades.
- XXI. Van dem geleide to gevende.
- XXII. Wu men tho dem Rade sweret.
- XXIII. Van den Bormestern tho entpfangende.
- XXIV. Van dem thohopegaende Rades und Radsvvorn.
- XXV. Van thohopegaende in de koken.

- XXVI. Van der Wickbelde sprake umme sake besündern,
 XXVII. Van uthgande, vven de Rad spreken vwill.
 XXVIII. Van thohopegaende des Rades in der Oldenstadt.
 XXIX. Van thohopegaende in der Oldenstadt up de bouvede.
 XXX. Van thohopegaende des Rades unde Ratsworn in der Oldenstadt.
 XXXI. Van thohopegaende des Rades im Hagen, alsé van oren ambten, Camerern,
 Heren unde Richteheren.
 XXXII. Van thohopegaende des Rades in der Nigenstadt, unde van oren ambten, alsé
 Camerern, Winheren, Richteheren.
 XXXIII. Van thohopegaende des Rades in der Oldenvvick unde oren ambten, alsé
 Camerern, Richteheren.
 XXXIV. Van thohopegaende des Rades im sake unde van oren ambten.
 XXXV. Vandes gemeinen Rades ambten, alsé van den vven, de de tins edder guth
 köpen edder verköpen.
 XXXVI. Van den seven Büdelheren,
 XXXVII. Van den Geteheren.
 XXXVIII. Vandene, de by de papheit gaen.
 XXXIX. Van den, de to den tekene bernet,
 XL. Van des gemeinen Rades Awmestern.
 XLI. Van dem, de dat lütke ingefegel vervvahret.
 XLII. Van dem Buwmestern der mölen.
 XLIII. Van dene, de de mölenstene köpen.
 XLIV. Vandene, de dem marstal vorstan.
 XLV. Van dene, de dem Rade stein brekenlathen,
 XLVI. Van denn Vogeden.
 XLVII. Van borgern tho makende.
 XLVIII. Wu dat me huldigen schall.
 XLIX. Van vormündern vaderlofer kindere,
 L. Van dem Proveste up dem Rennelberge.
 LI. Van vormündern up dem Rennelberge.
 LII. Van vormündern tho unser leven Frovven,
 LIII. Van vormündern to funte Thomas.
 LIV. Van vormündern to funte Lenerde,
 LV. Van olderluden to funte Marten.
 LVI. Van dem Oppermanne to funte Marten.
 LVII. Van den olderluden to funte Peter.
 LVIII. Van den olderluden to funte Micheele.
 LIX. Van vormündern tom hilligen Geiste.
 LX. Van vormündern to funte Auctor.
 LXI. Vanden Oppermanne to funte Auctor.
 LXII. Van den vormündern to funte Bartolomeus.
 LXIII. Van vormündern to den damme to Wechelde.
 LXIV. Van vvrögen des affgravendes.
 LXV. Van roden vvrögern.
 LXVI. Vanden, de de vrichte tekent.
 LXVII. Van den Botterstöter,
 LXVIII. Vanden Mekelern.
 LXIX. Vanden Waterförrern.
 LXX. Van den ambten des Rades im Hagen.
 LXXI. Van den ambten des Rades in der Nienstadt.
 LXXII. Van den ambten des Rades in der Oldenvvick.
 LXXIII. Van den ambten des Rades im Sacke.
 LXXIV. Van dem hövetmanne unde uthridern.
 LXXV. Van dem ridende koke des Rades.
 LXXVI. Van dene, de de Lantwere beriden.
 LXXVII. Van den Schriveren.
 LXXVIII. Van dem ridende Schriver.
 LXXIX. Van der stadt Syndico.
 LXXX. Van den Tollenschrifer,
 LXXXI. Van dem Münthemester.
 LXXXII. Van deme, de vor de Gdinge ridt.
 LXXXIII. Van deme Warckmeister.

LXXXIV.

- LXXXIV. Van des gemeinen Rades Timmermester.
 LXXXV. Van den Mölenmester.
 LXXXVI. Van den kostgevern in der mölen.
 LXXXVII. Van dem Stalvverder.
 LXXXVIII. Van den Havervvender.
 LXXXIX. Van dene, de de teigelhuser vervvaren.
 XC. Van den Teigelmestern.
 XCI. Van dem Scharprichter.
 XCII. Van den Burmestern in der Oldenstadt.
 XCIII. Van dem Boden.
 XCIV. Van den Froneboden.
 XCV. Van den vvechtern in der Oldenstadt.
 XCVI. Van dem Wachmester in dem vvachhuse.
 XCVII. Van dene, de uppe den binnersten doren schlafen.
 XCVIII. Van den Dorvverdern.
 XCIX. Van dene, de den berchstrede vorrvahret up den lantvveren.
 C. Van dem Tornemanne to sunte Marten.
 CII. Van dem Fischer in der Oldenstadt.
 CIII. Van den Steinvvegkerers in der Oldenstadt.
 CIV. Van dem de den langen graven vervvahret.
 CV. Van den herden in der Oldenstadt.
 CVI. Van den bullen unde beren in der Oldenstadt.
 CVII. Van den Markmester.
 CVIII. Van dem Eyervogede.
 CIX. Van dem Graenermester.
 C.X Van dem Steindecker in der Oldenstad.
 CXI. Van dem gefinde des Rades im Hagen.
 CXII. Van dem gefinde des Rades in der Nigenstad.
 CXIII. Van dem gefinde des Rades in der Oldenwigk.
 CXIV. Van dem gefinde des Rades im Sacke.
 CXV. Van der heymelcken reckenschop to lesende.
 CXVI. Van den seven Büdelheren, vvan de reken schult.
 CXVII. Van den Kunstavelen to settende.
 CXVIII. Van haringe, lessen unde mandeln to verschencken butten de stad.
 CXIX. Van geschencke uppe den guden donnersdag, in der Oldenstad.
 CXX. Van dem echten dinge to kundigen.
 CXXI. Van der Barvöten afflades dage, des hilligen lichames procesfien.
 CXXII. Van dem gefinde to lonende up pynxten.
 CXXIII. Van der Frouvven geschencke, vvan se umme krüde gaen.
 CXXIV. Van dem sarcke Sancti Autoris umme de stad togaende.
 CXXV. Wu men under stunden de wachte stercken schall.
 CXXVI. Van der hagelspende to gevende.
 CXXVII. Wu men de lüde in de erve driven schall.
 CXXVIII. Wu men Sunte Autoris dag begaen schall.
 CXXIX. Wu men de nygen penning kundiget.
 CXXX. Wu men de spende geven schall.
 CXXXI. Wu men des hilligen Cruces fest begaen schall.
 CXXXII. Van dem echten dinge noch eins to kündigende.
 CXXXIII. Wu me to dem schote schriben schall.
 CXXXIV. Wan me to dem schote schvveret.
 CXXXV. Wu men dat schall holden umme de, de nicht inheimisch syn, vvan de to dem schote schvveren.
 CXXXVI. Van Wine to schenckende buten de stad uppe Sunte Martens dach.
 CXXXVII. Van vvine to schenckende up sunte Martens dach dem Rade.
 CXXXVIII. Wan de schotel tydt is, vvu me dat denne umme dat schot holden schall.
 CXXXIX. Van einer quaternen to schrivende, van dene, den de stad tinspflichtig is; van deme schote.
 CXL. Wu de Radt den tins giff van dem schote.
 CXLI. Van lonende des Rades gefinde up Martin.
 CXLII. Wan mercken schall van mollenvarcke, molensteinen, van marfstallen unde lantvveren.
 CXLIII. Wan me recken schall van tegelhusen, nottberge unde lindtberge.

- CXLIV. Wu men den schoduvele kundiget.
 CXLX. Wan de Camererreken schullen.
 CXLVI. Wu ein jouvelck syne rekenschop by den gemeinen Radt legt.
 CXLVII. Van bröcken to forderende upp et leste.
 CXLVIII. Wene me in den nigen Rad kundigen schal.

*Van dem dreyfoldigen Radt, vvu de gesatt vverth to dren ja-
 ren in jorvelckem Wickbelde, unde vvo vele der
 vvesen schall.*

TO dem ersten schal me vveten, dath eyn vvonheit is, dat me pfligt den Radt to Brunsvig to settende in einem jare to dren jaren, in duffer vwise, dat de Radt in der Oldenstadt küst unde benömet ses unde dertig erlike frome manne, der tvvolffe in den sittende Radt gekundiget vverden des ersten jahres, unde de andern veer unde twintich heten Tossvoren, als dat se sweren to dem Rade, alle ör eydt uthvvieset, unde den eydt stauet öne de Borgermeister to dren jahren, ane de tydt, de sick vorlopen hefft van dem mandage de negeft vorgangen is, na tvvolfften, vvente an den dach, alle se den eydt don, myt deme onderscheide: vvehret, dat de Radt örer vvelken bedarven vvolde in den sittenden Radt bynnen den dren jaren, des jares scholde de eydt nicht binden, des andern jares darna küst me van den veer unde tvvintich Tossvorn tvvolffe, de men kundiget des jares in den sittenden Radt, de Radt, de denne als des andern jars sitten geidt, verbodet de jenne, de vor one in dem sittenden Radt gevvesen hadden, unde biddet, unde lech se to dem Rade sweren de negeften tokomenden tvve jar, ane de tydt de sick verlopen hefft van den mandage negeft na tvvolfften, vvente upp den dach, alle se den eydt don, myt allodanem onderscheide, alle se vorgedaen hadden, unde alle vorgeschreven is. Des drudden jares küst me unde kundiget de lesten tvvolffe van den veer unde twintig in den sittenden Radt, in dersulven vwise, alle de andern vorvveren.

Vorthmer in der sulven vwise küst me in dem Hagene veer unde tvvintich erlike frome manne, der jo des jares achte vverden gekundiget in den sittenden Radt, unde de anderen bliven Tossvoren to tvven jaren, alle vorgeschreven is.

In der Niegenstad küst me achteine in dersulven vwise, der jo des jahres sesse in den sittenden Radt gekundiget vverden, unde de anderen bliven tosvoren to tvven jaren.

In der Oldenvvick küst me veyfftein, der jo des jahres vive in den sittenden Radt gekundiget vverden, unde de andern bliven Tossvorn to tvven jaren, jo mit onderscheide, alle vorgeschreven is.

In dem Sacke küst me tvvolffe, der jo des jares veere in den sittenden Radt gekundiget vverden, de andern bliven tosvoren to tvven jaren, myt onderscheide ock alle vorgeschreven is.

Doch schall me vveten, vveret dan in düssen Wickbelden vvelck vvere gekoren in den sittenden Radt, edder to einem tosvoren, de dat verböfede, edder dar de Radt dat von erföre, dat öne duchte, dat he dem Rade unde der stad nicht beqveme dar to vvere, den möchte de Radt vvesen laten, also dat se der eyde nicht von ome nehmen, edder one in den eyden, de he gedan hedde, sitten leithen, unde doch nicht vorbodeden to der stad Rade unde gescheffte, darna dat deme Rade düchte, dat he sek gehandelt unde gehalten hedde.

Ock schall men vveten, dat in der Oldenstadt eyn vvonheit is, dat man der Camerer einen, de in dem sittenden Rade gevvesen is, de uthgheytt, vvedder kundiget in den nigen Radt, up dat de Camerie duffte best vervvahret vverde, unde ock dat de nige Radt vvene by sick hebbe, myt dem se sprecken mögen, wu de olde Radt gehandelt hebben ichtes vvelke sake, de nicht all by oren tyden to ende komen syn; unde oft dar vve vveren, de eine sake vvörve vor dem nigen Rade, de rede vor dem olden Rade to ende kamen vvere, unde dorch vele anders dondes vvillen.

*II. Wu seck de Wickbelde einigen den drevolden
 Radt thosettende.*

VOrthmer is ein gevvohnheit, dat de gemeine Radt uth allen Wickbelden thohope gaen up dat Rahthus in der Niegenstadt, alle jare des mandages negft na tvvolfften des morgens, unde Raden darup ein Wickbelde mit dem andern, vveme se vvillen in den Radt kundigen lathen to komenden jare in jorvelken Wickbelde, unde ock vveme se vvillen to deme Rade sweren lathen, vven sick dat böret, na der vwise alle vorechreven is, unde dat holt me all dūs; de uth der Oldenstadt lathen dem gemeinen Rade lesen de jennen, de se veramet heb,

de to

schall
 tig is;

unde

KLIV.

hebben in den Radt to kundigende, unde gaet van der dorntzen, alse dat de andern veer Wickbelden darumb spreken mögen, offte ohne dat ock also guth düncke, alse se veramet hadden. Schelet one dar vvat ane, dat lathen se öne verstan, unde setten dat denne eindrechtliken, na rade aller viiff Wickbelde. En kunnen se aver nicht einig vverden in dem khöere, vves denne de meiste deil darumb eines vverth, des schall de mynfte deil folgen, alse köeres recht is. Doch schall me jo darna vvesen, dat me eyndrechtlich darane sy, als me best kan. Düssen gelick deit me ock denne mit den andern veer Wickbelden, ein na dem andern, alse vor myt den uthe der Oldenstadt gedaen is.

III. Van der kundinge des Rades in jowvelkem Wickbelde.

VOrthmer alse de gemeyne Radt einig is, vven me in den sittenden Radt kündigen schall, so geit ein jowvelk Radt in syn Wickbelde, unde leth lüden mit den klokken negen wawe, up dat de lüde komen vor dat stadthus, unde hören, vve me in den Radt kündigen vville; sunder deuthe dem Sacke, dem lüdet nicht. Doch enbedet se dat oren bürgeren by orem boden. So secht de Borgermeister in jowvelkem Wickbelde van der lövene to deme volcke; gy fromen lüde, alse de vvonheyt is, dat me up dusse tydt plecht den Radt to vornigende, so schall de schryver gyck lesen unde kündigen de jenne, de dütt tokomende jahr in dem Rade vvesen schullen, up dat malck vvette, vvem he tosprecken möge van des Rades vvegen, vven des to donde unde behoeff vvere.

IV. Van dem nigen Rade, vvu de sitten geit in sin Wickbelde.

VVenn de Rad aldüs gekündiget is, desfulven dages na middage lüdet me dem nigen Rade to Radthuse, unde verbodet se to dersulven tydt. So komet da uthe dem olden Rade ein juvvelck up sin Wickbelde, unde bringet dar myt seck de schlötele to den doren, unde andere des Rades unde der stad schlötele, clenode, boike unde gerede, de der stad hören, unde laten by sick sitten in des Rades banck den nigen Radt, unde lathen öhne schencken vvin offte man den hebben mag, edder beier. Wenn dat geschein is, so antvordet one de olde Radt schlötele, clenode, böke, alse se dat myt seck gebracht hadden, unde de olde Radt biddet den Borgermeister, dat se des Rades vvort spreken, unde befelet unde heth ohne dat to donde, alse de vvonheit is, unde alse hierin geschreven steit, unde biddet se, dat se mit one gaen up dat Radthus in de Nigenstad. Als gaen se in einer processien vventen in de Nigenstadt. De olde Radt geit vorhen in orem ordene, unde de nige Radt na in dem ordene, alse se gekündiget vverden.

V. Wu de nige Radt sveret unde sitten geith in de Nigenstadt.

VOrthmer, vvenn se in de Nigenstad komen, so settet seck de olde Radt, alse se dat jahr over seten hadden, unde geven den Burmestern orloff in allen Wickbelden. Wenn dat geschein is, so laten se vor seck komen to dem ersten nigen Radt in der Oldenstadt, unde biddet, dat se dem Radt sveren vwillen, to eynem jare. So lest öne de schryver den eydt, vven he den uthgelesen hefft, so stauet de olde Borgermeister uth der Oldenstadt öne den eydt, unde secht, *alse gyck de schryver gelesen hefft, dat gy dat holden düsh jar na jwven vff sinnen, alse gy best kunnen unde mögen, dat gyck Godt also helpe unde de hilligen.* So geit denne der olde Radt uth der Olstenstadt envvech, unde de nige Radt settet seck denne vvedder in desfulven stede. In düffer sulven vviese don denne ock de anderen Wickbelde, alse vorgeschreven is van denne uthe der Oldenstadt, dat eine na dem andern. Unde de olde Borgermeister in jowvelkem Wickbelde staueth dem nigen Rade in synem Wickbelden den eydt, unde gaet envvech, unde lathet den nigen Radt vvedder in de stede sitten, alse vorgeschreven is.

VI. VVo de Borgermeistere des Rades vvort spreken schuldt.

Ock schall me vveten, dat eyn vvonheyt is, dat me settet in der Oldenstadt vve Borgermeistere; unde vve de högeste Borgermeister is, de sprickt des gemeinen Rades vvort, vven de gemeine Radt uth allen Wickbelden befündern thohope is. Weret, dat de högeste Borgermeister dar nicht jegenvvardig vvere, so deyt idt de ander. Aldüs holet me dat ock umme des Rades vvort tosprekende in der Oldenstadt. Düssen gelick settet

fettet men ock twee Bormestere im Hagen, einen in der Nigenstadt, einen in der Oldenwigk, unde einen in dem Sacke, dar eyn jovelck synes Wickbeldes vvort besundern sprecken schall.

Nota. Vorthmer, vvereth, dat dar vvere, de in den sittenden Radt gekoren vvere, edder to einem tosvvoren; unde des vveigerde, dat he des nicht don vvolve, de scholde dem Rade hundred marck geven.

VII. VVie de stadt de dore to der stadt bevwaren schall unde de ampte setten.

Vorthmer dessulven mandages na twolfsten, so geith ein jovelck Radt up syn Wickbelde, unde beleueth der dorfschlötele to der stadt, alle to sunte Michaelis dore, to dem hogen dore; jo dren uthe dem Rade ein dore, sunderen der Borgermestere twene unde eyn Camerer, de dat bouck bevvarer, de en schlutet nicht. Unde de schlötele ensendet me umme de veer vvekene unde settet de ampte, de eyn jowelck Rad in sinem Wickbelde under sick plecht tohebbende. En hebben se der tydt up den dach nicht, so don se dat des ersten dages, alle se vvadder tohope kamen, eyn jovelck up sinem Wickbelde. Unde vveret, dat dar vve vveren, de syn ammecht, dar he to gefett vvere, nicht doen envvolvede, de scholde dem Rade hundred marck geven vor dat jar.

VIII. Van dem Camerer in der Oldenstadt.

TO dem ersten settet man in der Oldenstadt tvvene Camerer, de des Rades Camerie vorstan. De eyne vorvvarrt dat bock, also, dat he upnimpt unde utghiffit van der Camerie, unde dat berekent vor dem gemeinen Rade, alle he best vverth unde kan. Unde dat gelt, dat he upnimpt, en schall he nicht mengen manck syn gelt, sundern schall dat besundern dem Rade tho gude vervvahren, unde myt der utghiffit des Rades beste doen. Wen men dat also vvolve vervvaret, dat fromet dem Rade sunderlick gelt, ock schall he syner rekenschop schriben dre böke, ein antvvordet he dem gemeinen Rade, eyn dem Rade in der Oldenstadt, unde eyn mag he sulven beholden. Ock schall he de bröke unde des Rades gerechtigkeit entfangen, unde dat darmede holden, alle dat de Rad hebben vvill.

Vortmehr schall he entfangen dat Naschott, unde dat tor rekenschop bringen up de müntschmede. Ock schall he entfangen, offte dem Rade vviltbrath gesandt vvorde, unde dat dar mede holden na Rade der Borgermester. Vorthmer, vven de Rath thohope ethe vvil, so schal der Camerer ein dem Radt in syn hus vorboden, unde öne dar de koste bereden lahten, unde orer plegen, alle de vvonheit is. Ock befelet ome de Radt tovervvarende des Rades sulvermide, alle einen groten schauer, einen kop, den me tohope stulpet, sulveren schalm, eyn sulvern crüdevatt in einem voeder, unde ein groth Venedisch besetzt glas, myt den stucken, de darto höret. Düt schmide schall he bevwaren in dem schmideschadpe up der dorntzen, dar deyt me ome de tvve schlötele. Unde de ander Camerer schall ome helpen raden to dem buvercke unde rodevvarcke, dat he don leth van des Rades vvegen. Ock befelet ome de Radt einen schlötel to der kisten in der Nigenstadt, dar der Camerer rekenschoppe, unde der gemeinen stadt tynsbock van denn Cämerien, unde der Godeshufe tinsbock plegen inne to vvesende.

IX. Van den VVinheren.

Vorthmer settet de Rad orer twene uthe orem hoepe to dem vvine, dat hethen Winheren, öre ampt is düt. Wenn de Radt sulven vvinn köpen lethen, so scholden se dem Rade oren vvinn vorvvahren, also dat se den halen unde köpen lethen, unme des Rades gelt, unde den vervvahren myt füllende, myt amende, unde de knechte dartho tohebbende, de den tappeden, unde dat gelt darvan to entfangende, unde an pagiment edder vvare vvadder to leggende, de dar nütte to vveren, dat men de vvine mede bringen lethe, unde des Rades beste darmede doen, unde dem Rade dar van rekenen, alle sick dat gebörde. Ock scholden se de vvine setten, vvu men de gelden scholde, de hyr borger edder geste lopen lathen vvolden; de Radt lethe vvinn sulven lopen edder nicht, unde scholden dat ock vervvahren, vve hier vvine vvolve tappeden, dat beyde Heren unde knechte, de dat doen vvolden, dem Rade sworn de eyde, alle de Radt des cinig is. Unde der Winheren tydt geit an up sunte Pauels dag, alle he becardt vvarrt, vvan me de vvine setten scholde, börgern edder gesten, so scholden de Winheren uthe dem Hagen unde uthe der Nigenstadt dar ock by vvesen.

X. Van den Richteheren.

VOrthmer settet de Radt uth orem hope dar tvvene to, de des richte dages, edder wan ein richte gelegt vvorde, in de Oldenstadt by dat richte sitten gaen, dat hethet Richteheren. Or amt is düt, dat se by dem richte sittet, van des Rades vvegen, unde helpen de Vogede anrichten, alse se best kunnen unde weten, dat unfern borgern unde borgerfchen, ock jnvonern unde einem jouvelcken, de vor deme gerichte tofokende heft, na schulden unde antvvorden, rechte richtet vverde, nader stad Brunivick rechte unde wonheyt, unde vve dar overvunnen vvorde, mit ordelen unde mit rechte, also dat men vve me tho der vvere gaen scholde, dat scholden se vulborden van des Rades vvegen to donde, vven malckem syne dage holden vveren, up dat dem klegern van thöegeringe neyn hinder effre schaden qvemen to lynem vvunnen rechte: unde oft unrecht edder twivelachtige ordele edder bröke vor gerichte funden vvorden, dat se der nicht over gaen lathen ane Rad des Rades, oft se de sakevvoldigen sulven nicht vor den Radt tögen. Vorthmer scholden se vorvaren, vvatte sake seck vvolden enden laten myt rechte vor gerichte edder mit minnen, dat der vor den Radt getogen vvorden, alse men mynneft mochte. Ock scholden se vorvaren, dat nemande neyn frede unde bann ginge over dat tho Wickbeldes rechte lege, dar der stad ore pflichte myt affgaen möchte. Weret ock, dat dar vve lathen vvolve frede unde ban tyndes ofte gudes, des one düchte, dat se deme Rade beqveme vveren, dat scholden se deme Rade tho vvetende doen, eer dar frede unde ban overginge: vventhe de Radt allem koepe byr in der stad de negeste is. Vorthmer, vven men Sendt sydt to sunte Marten, dar schüllen se ock by sitten van des Rades vvegen, unde unse borgere, borgerfchen, unde invvonere vorvaren vor unrechte unde ungnaden, alse se best kunnen: unde dat de eydtschwerers anders neyn eydt svveren, vven dussen: vvat meck hier binnen düßer tydt, dat ick vvroiger bin, towetende vvardt, dat vvitlick unde openbar is vvedder Godt unde vvedder de Christenheyt, dat myne vvroge anrörende is, dat ick dat vor dem Sende vvrogen vville, dat meck Godt helpe. Unde ofte vve dar vvat anders vvrogen vvolve, das he van düßes eydes vvegen nicht doen en düchte, dar be des nicht ende, up dat de Official des fürder neyne vvonheit en krige, wen alle he rede heft.

XI. Van den Buvmestern.

SO settet de Radt dar twene to, edder dre, uth orem hope, dat hethen Buvmestere. Ir amt is düt. Wur men vvill buvven nige buvve by den straten edder by dat gemeine, anders, vven dat vorgevvesen is, de schullen dar by gaen, vven öne de Radt dat heft, unde beseen, dat dem gemeinen in dem buvende nicht tho kört gedaen vverde. Weret ock, dat vve setten vvolve pale under vensterlede to der stratenvvart uthmaken, edder vve synen steinvveg setten edder högen vvolve, vvur twey neybure schelhoffich vveren umme ore buvve, dar scholden se alle by gaen, unde dat besein. Konden se de nicht anvvifen dat se dat makeden, alse seck dat gebörde, so scholden se vort dat deme Rade vorstaen lathen, dat de dar vorder up rede.

XII. Van den Müsemestern.

Ock settet de Radt dar twene to uth örem hope, de der stad unde des Rades vvere vorvaren unde ferdig holden, dat hethen Müsemestere, öre amt is düt, dat se van dem Rade entpfangen de schlötele tho dem vvelve up sunte Martens torne dat is, unde vorvaren unde holden verdig des Rades bliden, donnerbüßen, armborste, pile, büßen, pulvere, unde allent, vvat tho der stad vvere mere höret, dat men in der Oldenstadt plegt to vorvarende, beyde up den doren, barchfeden, pile unde stormtartzen upp dem stadhuse unde ock up dem vvelve under dem stadhuse, unde de schullet beschriven alle, dat öne geantvvordet vvorden to vor vvarende von tyden to tyden, unde vvat men by ören tyden to tügede: unde vven dar eyn herfartt vvorde, eder dat men dat uthstande up des Rades edder der Herfchop schlöte, so scholden se enckede schriven, vvat se dartho van seck deden, unde vvat one des vvedder antwordet vvorde: nnde bleve des vves na, dat me wedder eschen möchte, dat scholden se deme Rade vvitlick don, up dat idt der stad nicht verbistert vvorde. Weret ock, dat de Radt hedde pulver liggende, dat vvorgaen vvolve, dar scholden se des Rades unde der stad beste mede pröven, mit Rade des Rades: unde vven sick dat also makede, dat men dem Rade pulver, fuerpile edder ander dingk mit bathe thotugen möchte, dat se dem Rade dat ock vorstan lathen, Dussen vorgeschreven Müsemestern schall men overantworten alle dat harnsch, dat dem Rade vvalt van hargewedes vvegen. Wat des deme Rade nicht bequeme is, dat schüllen se verköpen, unde de penninge leggen in de müserie.

XIII. Van

XIII. Van den , de denn mürengraven veruuhret , unde van dem Tekemester der mathe.

Ock settet de Radt twene uthe orem hope darto , de dat jar over gan up den mürengraven , unde sein dar tho , oft dar vve ane vvonedede , de müren vorfallen lethe , edder der müren mit water schaden dede : dat se dat dem Rade vvitlick deden ; up dat de Radt de brocksamheit erkenne unde hethe den lüden , dat se dat maken , alle edt sick gebörde : unde vve up de müren buwet hedde , de scholde dat alleine bekostigen , de müren vvedder to makende. Anders scolde de Radt doen den drüdden penning.

Ock settet de Radt einen darto , de dar by geidt in dat lickhues to funte Marten , wen dar vve is , de dar well mathe tekenen lathen , unde dat heth ein Tekemester. Dem antwortet de Radt den schlötel to der kesten in dem Lickhuse , dar dat teken isern is , unde dat gerede : unde en schall nemande sine mathe tekenen mit der stadt tekene , he en see erst , dat de gemethen unde gelikent syn , mit des Rades köpperen mathe.

XIV. Van dem de by der Taverner zise geyt.

Ock settet de Radt einen dartho uthe orem hope , de da jo over de veer vvekene geyt in de Nigenstadt in de kökene by de zise , de de Taverner deme Rade denne dar bringet : unde de schall dat vorvwaren helpen mit hulpe der Heren uthe dem Wickbelde , de dar ock by gaend dat de Taverner de zise geven , alle seck dat geböreth , unde mit dem Rade nicht borgen ; unde dat de penninge kamen in de zise kisten. Unde vvere dar vvelck manck den Tavernern , de dat nicht en helden , alle se scholden , dat scholde he deme Rade melden.

XV. Van dene , de der landtveehre vorstaen.

Ock settet de Radt einen darto edder twene uthe dem Rade unde Radesworen , de de landtweere rümen , buwen unde betern lathen , de to der Oldenstadt höret , van dem gelde , dat dartho legt is : unde de schüllet darvon rekenen , alle se enkedest kunnen , wen de Rad dat van one hebben vvell.

XVI. Van dem , de dat borgergeldt veruuhret.

Vorthmer settet de Radt uth der Oldenstadt einen uthe orem hope dartho , dat he entfenget de börg-r penninge , unde de schriver penninge , unde de dem Rade veruuhret : unde vvat he entfenget van borgerpenningen , van jouvvelckem mehr , vvan einen serling , dat schall he antvorden to der gemeinen stadt nutt up de müntesmede : dat ander van den borgerpenningen unde schriuel penningen schal he delen dem Rade , unde nicht der stadt. Oldings over VII. jaren , vvat van borgerpenningen dem Rade vvat , dat delde me dem all , unde nicht der stadt. Aldüs hebben de van Eimbeke dat in orem stadtrechte , na anrichtinge des Rades to Brunsvick.

XVII. Van den schlötelen to dem groten ingesegel.

Vorthmer , alle de Radt de ampte gefettet hefft , so befehlt de Radt eineme uthe deme Rade den schlötel to dem groten ingesegel : unde vven me besegeln schal , so schal de sulven darby gaen , mit sineme schlötele , unde see unde höre , watte breve dat sin , de me mit dem groten ingesegele besegelt. Düssen gelick befelet de Radt in der Nienstadt eineme uthe orem Wickbelde den anderen schlötel to demsulven ingesegele : de schall dat ock holden , alle vorgechreven is.

XVIII. Van den schlötelen to dem breve kisten.

Ock befelet de Radt twen uthe dem Rade unde uthe den tosworen , tho dren jaren , de öne dar düncket bequeme to vvesen , de schlötele to den brevekisten , de dar by gaen schüllen sul en mit den schlötelen , vven me breve in de kisten leggen vwill , edder daruth nemen : unde helpen dat vorvwaren , dat de breve jo in de kisten vvedder komen , dar se uth genomen vvorden. Der schlöttel höret ein to der groten beschmedeten kisten in dem Gerhule , den andern befelet de Radt im Hagen.

Vorthmer hebben delulven twene uthe der Oldenstadt twene schlötele to der luttelen brevekeften, by dem pilre middene in dem Gerhuse. Ock findt breve in dem hilligen stocke in der kercken to sunte Marten in der vorderen lade; dar höret twe schlöttele to: einen beff und befehlet de Radt im Hagen, den andern de Radt in der Niegenstadt. Duffe breve röret an de gemeinen stad und ein deil den Radt in der Oldenstadt; wo wol dat seneynen schlötel dartho hebben.

Ock schal me vveten, dat dre schlötele höret to der beschmedeten keften up der dörentzen. De befelet men jo denn, de Camerer pleghen to vvesen de dre jar over, jovelckem einen schlöttel. In de keften legt me, vvat de Radt in der Oldenstadt behodelcken bevaren vvell.

XIX. Van den schlötelen to der geldtkeften in dem Gerhuse.

Ock so befelet de Radt in der Oldenstad einem uthe dem Rade den schlötele to der geldtkeften, de in sunte Martens Gerhuse steyt. Dar horet noch ein schlöttel to, den befelet me den olderluden to sunte Marten. In der keften schullen se vorvaren also dene gelt, also to des Rades lenen hörth, dat nicht an renthe legt is, und also lange, dat me dar renthe mede köpen vvell.

XX. Van dem thohopegaende des gemeinen Rades

Vorthmer des middevvekens darnegeft, also de Rad gekundiget is, verbodet de Borgermeister in der Oldenstadt den gemeinen Radt in de Niegenstadt. Also se dar thohope findt, so spreken se dat over tho dem ersten, vvu se datt holden vwillen umme or thohagendt, und vverden des einig aldüs, dat se umme Goddes und eindracht vwillen thohopegaen vwillen uthe allem Wickbelden, dem gemeinen und der stad to nutt und to fromen, und raden der stad und des gemeinen beste in also danen saken, also van tyden to tyden der stad anliggende syn, und forderen des Rades rechticheit und broike, und scheiden unse Borgere und invvone, de twedrechtig sin; under andern in saken, de vor se gebracht vverden, na schulden und antvorden, in frundschoep edder in rechte. Weret aver, dat lude scheidheftig vveren, de beyde in einem Wickbelde vvoneden, de schall de Rad des Wickbeldes erscheiden, dar se inne vvonet. Doch mochte de Rad des Wickbeldes sick vvol belehren lathen den gemeinen Radt der scheidungge, effte de sake also dan vvere, dat se des bedorfften. Unde dut vorgeschreven thohope gaent don se alle midtwekene, wen nein viredach is, also dat se syn up der dorntzen in der Niegenstadt des morgens vven de clocke negen schleit, twischen twelfften und Paschen: und tvvischen sunte Michaelis dage schüllen se dar syn, vven de clocke achte schleit. We dar uppe duffe vorgeschreven tidt nicht en vvehre, also dat se spader keme, edder dar nicht en keme, de scholde dre penninge geven to broike in de büllen und duffe broike schall me nemen na dem seygere, de de lest negene edder achte schleit. Were aver, dat dar vve witliken in des Rades vverve vvere, edder orloff hedde, edder de nicht to hues en vvere, edder krank vvere, edder ander echte noth om dat beneme, de en dochte duffes broikes to der tydt nicht geven. Düt schal men aldus holden alle mittwekenen de vverckdage vveren, men verbode malken edder nicht. Weret aver dat de Radt up duffen tydt vvelcke nicht thohope gaen vvolden, dat scholden de Borgermeister malcken in sinem Wickbelde vvedder beden.

XXI. Van dem geleide to gevende.

Ock spreken se dessulven midtwekens darumb, offte den Borgermeistern edder orer vvelkem byfundereren vvorde angefunnen geleide to gevende fremabden luden hier in de stad, dat de Burgermeister des mechtich syn dat geleide to gevende von des gemeinen Rades vvegen: und vvelck Borgermeister alldüs vveme geleide geve, de scholde dat umme beden den andern Borgermeistern in den Wickbelden, up dat se dat mede vvüsten, also se en können.

XXII. VVu men to dem Rade sveret.

Dessulven midtwekens, is dat in dem ersten jare, also de drevolde Radt gefatt is, also vorgeschreven steyt: verbodet de Radt, jovelck uthe sinem Wickbelde, de jenne de to dem Rade schvveren schült, und stauet öne den eydt, also, in duffem bouke en angeschreven steyt. Is idt aver dat ander jar, so verbodet man de jenne, de des jares voer in dem Rade gevvesen hebben, und leth se to dem Rade sveren, also vorgeschreven is. Des drüdden jares schweret me nicht.

XXIII. Van

XXIII. Van den Burmestern to entfangende.

Essulven mitwekens entfanget de gemeine Radt de Burmestere vvedder to gefinde, den orloff gegeben vvas, so forder, dat se öne beqveme vvesen duncket: unde men stauet one ören eyd. Weret aver, dat vve one nicht bequeme wesen duchte, dar scholde de Radt vor raden in dem Wickbelde, dar he inne gevvesen hadde, wen se dar vvedder to nemen wolden. Unde der Burmester hefft me veer in der Oldenstadt, twene im Hagen, twene in der Nigenstadt, einen in der Oldenvvick, unde einen in dem Sacke.

XXIV. Van dem thohopegaende des Rades unde Radtschworen.

Ock schall me vvetten: weret dat deme gemeinen Rade alsodane bedreplike sache wederstünde, dat se sick alleine niche gerne mechtigen vvolden, se vvehren van der stad vvegene, van des landes wegene, edder van unfer borger unde invvoner vvegene: so mach de Radt vorbaden den gemeinen Radt, unde alle de to dem Rade geschworen hebben; unde raden ein mit dem up der stad beste, darna, alse it den umme de sache gelegen is, wen des behoeff is.

XXV. Van thohope gaende in in de köken.

Orthmer is ein gevvohnheit, dat de edelsten, alse de Borgermeister, unde de öne dartho nütte vvesen düncker, beyde uthe dem Rade unde uthe den Toschvoren uthe allen Wickbelden, thohopegaen in de köken in de Nienstadt, dem Rade unde der stad to nutt unde fromen, vven des den Borgermestern düncker, dat der stad unde dem Rade alsodane sache vvedderstan, darder meinen stad edder den borger gemeinliken edder ichtes welken byfundern, ane to doende is, unde dar dat vvarf als hastig is, van uthwendigen Heren unde luden, dat me datt thohope gaendt des gemeinen Rades nicht vvoll affbeiden kan: unde vvan dem Rade heimlike saken vvedderstaen, als dat it nicht nutte vvere, dat ein jovvelck darvor raden scholde, darup raden de edelsten in der köken, unde bevvegen dat vvente an den Radt.

XXVI. Van der Wickbelde sprake umme sache besündern.

Orthmer is ein gevvohnheit, vven de gemeine Rade ein bedreplike sache vveddersteyt, so sprickt ein jovvelck Wickbelde besündern, unde ein jovvelck Wickbelde bringet in syn antworde Syn se nicht alle einig, so folget de mynste deyl dem meisten na Wickbeldes tale, up dat se eindrechtliken doen ein mit dem andern, vvat se to donde hebben. Des gelick deit de Radt ock in der kökene. Ock don dem also Radt undt Rades schworen in allen saken, dar se umme thohope gaen.

XXVII. Van uthgaende, vvan de Radt spreken vwill.

Orthmer wan de Radt spreken vwill umme sache, de ein Wickbelde besündern anrörende is, so schall de Radt des Wickbeldes uthgaen, den dat anrörende is. Wellock de Radt spreken umme sache, de eine gilde anrohret, vve in deme Rade is, unde de gilde hefft, de schall uthe dem Rade gaen, de vvile de Radt darumme sprekende is. Well ock de Radt spreken umme saken, de unfer borger vvelden anroret, he sy in dem Rade edder nicht; he unde syne frundes, unde mage, de ome to horen, de in deme Rade edder Radesvvorn syn, schüllen dem Rade entwiken, als lange, vven darumme gespraken is: it en vvehre, dat se de Radt vor sek eschede, unde se sulven raden hethen, edder se vvorumme fragen wolde.

XXVIII. Van thohopegaende des Rades in der Oldenstadt.

Ock schall me wethen, dat de Radt in der Oldenstadt umme Goddes vvillen, unde dorch ores Wickbeldes unde orer invvonere vvillen, alle mittweken unde fridage, vvan nein hillich dach is, up ore Radtus thohope gane; als dat se dar jo syn up der dorntzen, vven men de lesten clocken lüth to dem nachtfange. We dar denne nicht en is, de schall geven tho broke tvvene penninge: it en vvere, dat he vvittliken in des Rades vverve vvere, edder orloff hedde, edder nicht to hus en vvere, edder kranck vvere, edder ander echte noth em dat beneme: so en dachte he der bröke nicht geven. Weret aver, dat de Rad up duffer tyde vvelcke nicht thohope gaen vvolden, so scholde de Borgermeister den Heren vvedderbeiden. Unde vven se aldüs thohope syn, watte sache denne vor se kumpt vvilichen oren invvornern, de schullen se entrichten in frundtschop edder in rechte, alse seck dat

dat geborde. Ock schullen se forderen broke, unde des Wickbeldes rechticheit, unde der stad unde des VVickbeldes nutt unde fromen doen, alse se fürderst konden.

*XXIX. Van thohopegaende des Rades in der Oldenstadt
up dem bouwde.*

Ock is ein vvohnheit in der Oldenstadt, dat de eldesten van dem Rade unde Radesfwo-
ren undervilen, vven des den Borgermestern düncket, dat des behoeff sy, thohope
gaen up de boude boven den schrancke an sunte Martens kerckhoffe, unde raden dar
des VVickbeldes unde der stad beste in den saken, de one den anliggende syn.

*XXX. Van thohopegaende des Rades unde Radschworen
in der Oldenstadt.*

VOrthmer vven ock deme Rade bedreplike sake vvedderstaen in der Oldenstadt, der se
leck nicht gern alleine underwinden vwillen; so mogen seto leck vorboden de Toschw-
ren unde raden darup ein mit den andern. Unde is des to donde, so spreken de Rad
darup befundern, unde ein jovvelck bringe in sine antworde, unde doen eindrechliken wat
se daran tho donde hebben.

*XXXI. Van thohopegaende des Rades im Hagen, alse van oren
ampten, Camerenheren unde Richteheren.*

VOrthmer schall me vveten dat de Rade de andern VVickbelde, alse in dem Hagen, in
der Nienstadt, in der Oldenvvigk, unde in dem Sacke ock thohope gaen, ein jovvelck
in sinem VVickbelde, unde raden, alse van den in der Oldenstadt vorgeschreven is:
undervilen de Rad alleine, undervilen de Radt unde de Radsfwoeren, vven des to donde is; unde
setten ore ampte, de ein jovvelck Rad in sinem VVickbelde plecht to hebbende. Bescheideliken
geit de Radt im Hagene tosamene alle &c. VVen nein virdedach is, wen de klokke schleit.

Unde, vven se erst tosamene gaet, bechlet se one de schlotete, alse to dem Wende dore,
to dem Vallerchlevescken dore, unde to dem Steindore, jo twen ein dor to schlutene; unde
setten ore ampte: to dem ersten einen Camerer, de schall de Camerie vervvaren in dem Ha-
gen, (alse vorgeschreven is van dem Camerer in der Oldenstadt) unde vor dem gemeinen
Rade darvan rekenen, dussen Camerer antwordet me, &c.

Videntur huc referenda capita, quæ supra agunt de camerariis & iudicibus.

*XXXIV. Van thohopegaende des Rades im Sacke: unde van
oren Ambten.*

VOrthmer settet de Rad im Sacke thohope alle &c. It en vvere dat grote fest, dat bore-
ne tigens, dat de clocke ein schleit na middage, unde raden vor ore VVickbelde unde ore
invvone in der vvise, alse vorgeschreven is. Unde vven se erst thohope gan, so setten
se ore ampte.

To dem ersten einen Camerer, de de Camerie vervvaret, unde darvon reket, alse vor-
geschreven is. Unde deme befelet me de schlotete to dem schappe to der lütteken camer up
der dorntzen, to der besmededen kisten in der lütteken camer, to dem grashave unde sulveren
schalen.

Ock syn dar andere schlotete, alse to der lade, dar des VVickbeldes Privilegia inne
syn, unde to der andern kisten up der dorntzen: de bevvaeret de Borgermeister dre under
sick. VOrthmer setten se uth orem hope twe Richteheren, de by dat gerichte gaen, alse van
den andern VVickbelde vorgeschreven is.

*XXXV. Van des gemeinen Rades ampten, alse van den wiven
de de tins edder gudt köpen edder verköpen.*

VOrthmer alse de Radt gefatt, unde de ampte up jovvelkem VVickbelde, de de Radt
under sick up dem VVickbelde plegen to hebben: so schall me wethen, dat de gemei-
ne Radt dusse nageschreven ampte plegt to settende unde to hebbende van der gemei-
nen stad wegen. To dem ersten settet de gemeine Radt, unde biddet orer vive uth
dem Rade unde den Radtsfwoeren, de sick darmede bearbeiten mitrade unde hulpe des Rades,
dem

dem Rade unde der Stadt eins edder ander gut toköpende: wedder schattes tins, edder lieffrucht by dem Rade tovorköpende: unde to mynnerende unde afftolöfende; vvr dem Rade unde öne dat düchte bequem vvesen. Unde düffer vive biddet men dre uth der Oldenstadt, einen uth dem Hagen, unde einen uth der Nigenstadt, unde de Radt antvordet öne dar to eine kisten up der münfchmede mit dren schlötelen, dar se dat gelt unde öre rekensbokere inleggen schullen. Der schlötele hefft einen örer ein uth der Oldenstadt, den andern hefft örer ein uth dem Hagen, den dridden de uth der Nigenstadt. Ock so schullen se dem Rade rekenen, wenn den Oldesten unde one sulven duchte, dat des behoeff vvere.

XXXVI. Van den seven Büdelheren.

Vorthmer settet unde biddet de gemeine Radt orer sevene uth dem Rade unde Radtschworen, de der meynen Stadt upname unde uthgiffte vorvahren schullen: alsé twe uth der Oldenstadt, twene uth dem Hagen, einen uth der Nigenstadt, einen uth der Oldenvick, unde einen uth dem Sacke. Dullen seven schall de gemeine Radt antworten, unde se upnehmen laten alle, wat dem Rade vvat gebracht in de tollerbude, in de beiden zisekisten, dat sy wienzise, beertollen, van dem Trygele, van dem Nuttberge, Lindberge, Metten, pfenninge, unde, vvr van dat sy, dat men in de twe zisekisten plegt toschuvende. Dar mögen se to gaen, jo aver de veer vvekene, edder vven one dat bequeme vvesen dunckt, unde dat dar uth nehmen unde up de münfchmede bringen, unde dar vvedder van uthgheven, alle hirinne geschreven is.

Ock schullen se upnehmen, vvat dem Rade van den winkellere bören möchte. Ock schullen öne de Geteheren, unde de Muntemellere over antvorden, vvat se dem Rade worven unde der muntie. Ock scholden se upnehmen, vvat de Vögede dem Rade geven van der Vogedie. Ock scholde men öne antworten alle broicke, de de gemeine Radt fürderde, unde vvat ein jovvelk Radt van broiken forderde up sinem Wickbelde, dat scholde me darmede holden, alsé de Radt des einig vware. Ock scholden se entfangen de bede der Jodden, unde dat scholde men jo also foigen, dat se up queme uppe Pingesten. Ock scholde me öne antworten vvat van dem gerichte to der Aseburg geovert vvorde. Vorthmer scholden se entfangen alsodan gelt, alsé dem Rade overbleve van dem schote boven den tins, den de Radt darvan plegt togevende, unde vvat van naschote velle in allen Wickbelden, unde vvat de gemeine Radt hedde van tinsé, alsé X. punt up der muntie van den van kinde unde desgelyk.

Weret ock, dat dem gemeinen Rade vve vvat schuldig vvere van gelde, dat scholden se ock upnehmen, vven dat betalet vvorde. Ock schollen se upnehmen, vvat dem Rade berede van dem dridden penninge, van giffte edder van eretale buthen der Stadt, unde ock vvat vvorde vor de bürschop boven einen gulden. Unde vvat se alldus upnehmen, dat scholden se bringen uppe de Muntfchmede in de Oldenstadt, unde dat tellen, vvegen, unde in ör bock schriben, penninge vor penninge, gelt vor gelt, pagiment vor pagiment, alsé one dat vvorde, unde scholden dar vvedder van uthgeven, alsé hierna geschreven is.

To dem ersten schlete up den schlöten, de dem Rade staen; schlete unde koste uppe dem marstalle, alsé an perden, an vodere, der stallwardere loen, des Hovetmans unde der denere soldt, unde hoeffschlag. Ock scholden se uthgeven teringe buten der Stadt den, de van des Rades vvegen uth vwaren.

Item, vvat de Herschop dem Rade van Brunsvick kostet, Item vvat de Radt vergiffte unde verschencket, unde vvat de erevvin kostet.

Vorthmer vvat dem Rade orlege unde hervarde kosten, Item schullen se uthgeven to den Landvveren to rümende unde to beterende, Item to pladerende, Item to der gemeinen Stadt buwe, Item molenslete, Item bodelon. Vorthmer scholden se geldt lehen dartho, dat men de teigelhuse, den Nodtberg, unde den Lindtberg mede bearbeiten lethe. Ock scholden se hir van uthgeven alle den anfall der gemeinen Stadt, alsé me datj van orer upname forderst doen konde.

Vorthmer schall me antworten düffen vorgeschreven seven schlötele to den zisekisten in der tollerbude. Unde der schlötele is jo vive to einer kisten, unde de schall me deilen: alsó dat jo up dem VVickbelde to jovvelker kisten ein schlötel sy. Ock schall me one antworten de kisten up der smeden, de hefft viff schlöte unde viff slötele, dar se inne bevaren mögen öre rekensböcke, unde des Rades gelt, unde de schlötele scholden hebben de twene uth der Oldenstadt; malk einen slötel, twene uth dem Hagen, malk einen slötel, unde ein uth der Nigenstadt einen schlötel. Unde de Radt scholde duffe seven bidden, dat malk uth der Nigenstadt einen schlötel, unde den anders nemante dede darmede to schlutende; unde dat se jo tohope to der kisten gaen in der Nigenstadt, unde vvedder van dar tohope gaen up de smeden, unde dar tohope bliven, vvente se de penninge tellet hebben, dat sulver gevvoget unde

unde na geschreven ; unde ock davon vvedder uthgegeven , vves se to der tydt uthgeven schullen. Unde vvat se alldus handelen van upname unde uthgiff , des scholden se jo des jares ein bock schriuen ; unde dem gemeinen Rade dat bereken.

Weret ock , dat duffer sevene vvelck uthvanderde , so scholde dat Wickbelde , dat de uthe vvere , einen andern in de stede setten , als lange , vvenn de vvedder to hus qveme.

Ock scholde de Radt der einerne uthe der Oldenstadt doen eine wesselbode , de to der muntmede horet , unde one antworten dat gelt , dat to der teringe hörde , unde to der kleinen entelen uthgiff ; dat he dar van entelen uthgeve als lange , vven se all sevene up de smede gingen ; so scholde he dat in der seven bock schriuen lathen.

XXXVII. Van den Geteheren.

VOrthmer biddet de gemeine Radt , unde settet örer vive uthe dem Rade edder uthe den Toschwaren darto , dat se helpen vorstan de muntie ; unde de heten Geteheren. Unde der schall me bidden twene uthe der Oldenstadt , einen uthe dem Hagen unde einen uthe der Nienstadt. Or amt is düt , dat se entfangen des Rades gelt , dat de Radt hedde to dem schlage : unde , ofte des to donde vvere ; dat me mer geldes behöve dar to , dat se dat van den liden upnemen , unde önen dat vor penninge vvedder geven : unde se , edder örer jo ein to dem mynsten darby syn , vvan me geten wolde , unde vorvwaren , dat de Müntemester dat süilver heelde in alsodaner witte , also de Radt ome dat bevolen hedde ; unde dem Müntemester vorvvegen , unde sek one vvedder vvegen lathen also swar , also men ome vorgevogen hedde. Ock scholden se , edder örer twene geven den tins van der muntie den , de tins darane hedden , up sunte Michaelis dag. Unde vvat me worve up der muntie , dat scholden se antworten den seven , de der gemeinen Radt büdel vervvaret up der smede.

Ock scholden se , edder örer twent dem Rade to gude de penninge verköpen , unde uthzellen , unde des Rades beste dar mede doen ; süilver , edder sware uthvippende penninge darmede to kopende , unde se en scholden dar förder neint koste von doen , vven alle dat nu begrepen is.

Ock scholden se darvan rekenen , wen de Radt dat van one eschede. Unde vvu me dat vort holden schall mit der muntie unde mit dem Müntemester , des findet men vvol eine wise in den boken , da van der handeling up der smeden findt.

XXXVIII. Van dene, de by de Papheit gaen.

VOrthmer schall me wethen , dat de papheit gemeinliken , unde de gemeine Radt underwilen sick frundliken tohope lathen unde einigen , also : welck stiffe edder pape to schuldigende hedde einen borger edder invvoner , de scholde one verklagen vor dem Rade , dar de borger vvonde : unde vvelck borger edder invvoner einen papen to beschuldigen hedde , dat scholde he doen vor syneme Capitele , unde dar neine andere uthwendige richte to besoikende. Edder vvu sick de vereinige dennē hedde , unde konden se sick dat nicht richten , so setten se dat up achte personen , alle veer van der papheit , unde veer van des Rades vvegene , de se jo denne scheiden scholden in frundtschop edder in rechte. Duffe veer van des Rades vvegen settet und biddet de gemeine Radt , also twene uthe der Oldenstadt , einen uthe dem Hagen , unde einen uthe der Nienstadt. Ore ammecht is , dat se do me also doen , also de papheit unde de Radt seck vordraghen hebben edder hedden.

XXXIX. Van den de to den Tekene berneseth.

VOrthmer settet de gemeine Radt twene edder orer mer uthe der Münter gilde , de dat können unde doen vvillet , dat se bernet to den tekene : unde de schweret dem Rade den eydt , also de Radt den hebben vvill. Wen se de eyde gedan hebben , so antworet one de Radt der stadt teken , yferne , unde wat süivers se tekenen mit des Rades tekene , dar schüllen se orer ein jouwelck syn eigen teken by setten , uppe dat me vvette , wat malk gebrandt hebbe , dar tho he antworten moge : effte des noth wäre : unde , vvo se dat holden schult , dat vvifet or eydt uth.

XL. Van des gemeinen Rades Burvumestern.

VOrthmer biddet unde settet de gemeine Radt orer sevene uthe dem Rade edder Radtschwaren , de der gemeinen stadt buwet vorstaen unde over proven : de heten der meynen stadt Bumester. Der schullen vvesen twe uthe der Oldenstadt , twe uthe dem Hagen , ein uthe der Nigenstadt , ein uthe der Oldenvvick , ein uthe deme Sacke. Ore ampe

ampt is dütt, vveret dat den Wickbelden, edder oter vvelcken funderlick buwerck anfelle, baven dat se van oren tinschen schullen doen, des se van noidt nicht umme gaen mochten: So scholden se thohope gaen up dat Wickbelde, dar des noet were, unde scholden seck dat buwerck vvisen lathen, unde dat scholden te besein, vvor me dat beteren konde: edder dat me dat nige buwede buwen moeste, dat scholden se denne na seggen in der kokene den, de dar plegen in to gaen.

Ock scholden se giffen unde over proiven, vvat dat uppet negeste kosten moeste. Dar scholde de Radt denne up raden unde seck vordregen, wat me dar scholde to geven. Wes se seck vordrogen, dat scholden de seven Büdelheren uthgeven van der smede.

XXI. Van deme, de dat lutke ingesegele vorrvahret.

VOrthmer biddet de gemeine Radt einen uthe der Nigenstadt van deme Rade edder Radtschworen, de dat lutke ingesegele vorrvahret. De schall mit dem schriver helpen den Radt unde de stadt vorrvaren an den breven, de de Radt mit den ingesegele besegelen vvolten lathen, also he best konde: unde he scholde jo dar sulven by vvesen, vven me besegelen scholde. Ock scholde he dat groine vvas kopen, unde doen to besegelen des Rades breve van der stadt penninge. Weret ock, dat men frommeden boden drangkelt geven vvolde, dat scholde he ock uthgeven. Ock scholde he ock uthgeven teringe unde bodenloeden jennen, de des Rades breve over veld dragen, unde seck dat de Büdelheren vvedder geven lathen, unde dat vvedder rekenen dem Rade.

XXII. Van dem Buwmeister der mölen.

VOrthmer biddet unde settet de gemeine Radt einen uthe der Oldenstadt, de to alle des Rades mölen dem buwerck vorsteit, unde dat Coddevverck: unde deme schall me antworten alle, dat van flamme in den mölen vvar. Dar schall he dat van doen, also he vorderst kan. Wes ome daran enbricket, dat schollen ome andtvorden de seven van der smede.

XXIII. Van den, de de mölensteine kopen.

VOrthmer biddet unde settet de gemeine Radt twene uthe der Oldenstadt dartho, dat se köpen dem Rade de mölensteine. Unde wur me der behovede up den mölen, de des Rades sind, de scholde me van öne nemen, unde öne de betalen; uppe dat sedat geldt by seck hedden, vven se de vvedder kopen edder bringen lathen vvolten. Konden se der ock uthvendingen lüden verköpen mit bathe, dat scholden se doen, unde vvat darvan velle to vvinninge, dat scholden se deme Rade antworten alle jahr, den seven up de smeden.

XXIV. Van dene, de dem Marstalle vorstaen.

VOrthmer settet unde bildet de gemeine Radt, vere uthe deme Rade unde Rahtschworen darto, dat se dem Marstalle vorstaen. Der schall wesen twe uthe der Oldenstadt, ein uthe dem Hagen, unde ein uthe der Niegenstadt. Or ammecht is dütt, dat se entfangen dat gelt, dat de stadt darto gelegt hefft, unde köpen, ock lathen darnede köpen haveren unde voder dem perden: unde wanne me perde köpen schal uppe den stall, dat se dem Rade köpen. Weret ock, dat men vorredene perde verköpen scholde, dar scholden se den stall werder to nehmen, unde lathen de vorköpen, unde proiven darnede des Rades beste. Ock scholden se jo vakene upp den stall gaen, unde seen, wer dar jennig breck were an den perden, edder verflumenisse an den knechten. Ock scholden se uthgeven vor hoeffschlach, wat des hier, in der stadt velle.

XXV. Van dene, de dem Rade stein breken lathen.

VOrthmer biddet unde settet de gemeine Radt einen edder twene van dem Rade edder Radeschworen uthe der Oldenstadt dartho, dat se spreken unde seck verdragen van des Rades wegene mit den steinbreker-mestren upp deme Nottberge unde Lindberge, wo se dat holden schüllen umme de steine to brekende unde to leggende, unde van seck to antwordende, unde doen darnede des Rades beste: unde öne lone na örer verdracht, unde lathen seck rede geven von touwe unde gere, dat des Rades is: unde dat de steinbreker-mester dem Rade eyde doe. Unde wat se also uthgeven scholden, dat scholden öne de sevene doen unde lenen van der smede: unde wat se hier van handelen, dat scholden se dem Rade berekenen, wan de Radt dat von öne eschede.

XLVI. *Van den Vogeden.*

VOrthmer settet de gemeine Radt twene wiese manne to Vogeden, de da richten na schulden unde antworden, alse recht unde wonheit is. Unde de schuldet deme Rade schweren einen eydt, alse in dem eydeboke geschreven: unde de nimt me gerne, efft me kan, also dat ein wone in der Oldenstadt, unde de ander in dem Hagen. Unde vve de Vogedie annimet, de schal deme Rade borgen setten vor dat geld, dat he dem Rade lovet. Unde wo de Vogede öre ding holden schollen, dat vviset uth dat beschreven stadtrecht unde de togelarene vvonheit, unde oock de eydt, den se dem Rade plegen to doende.

XLVII. *Van borgern to makende.*

VOrthmer vvenn de Radt gefatt hefft under seck de ammechte, de se under seck plegen to hebbende, so schall ein jovvelck Radt upp sinem Wickbelde dat gantze jar over dar acht upp hebben, unde de burmestere darupp hebben lathen, offte hier jemand vvonede, de billichlick de borgerschop vvinen mochte, upp dat dejenne, de hier vvoneden, mit dem Rade unde unsen borgeren eindrechtig vwaren, alse van der eyde vvegene, de se denne dora möchten. Unde vven dar vve qveme, de de borgerschop vvinen vvolde, de scholde geven dem Rade tom mynsten einen verding, dem gefinde einen schilling, unde dem schriver ses penninge: unde vve de burschop vvinne, dem scholde de Radt seggen to vorn alldüs: Weret dat gy jemandes vveren lathe edder eigene, so vorlöre gy düsse penninge, de gy geven vor de borgerschopp: darto volgede gick de Radt mit einer veltunge, effte gy des bedragen vworden. Geve sick denne vve over des, dat he jemandes lathe edder eigene vvere, den en scholde de Radt vor neinen börger nennen. Oock scholde om de Radt seggen aldus: Weret dat gy mit jemandt jenige scheid edder tvvidracht hedden gehat edder noch hedden, vvente an düsse tydt dar en verdegedinget gick de Radt nicht vore: sundern vvat gicck numer anliggende vvere, des vordegedinget gick de Radt gerne gelick oren borgeren. Wen öme düt alldus gefecht, so stauet men öme den börger eydt. Wenn he den eydt gedan hefft, so antvordet öme de Burgermeister, edder dejenne, de des Rades vwort sprickt, de borgerschop, also dat he ontlasten leth an sine koggelen, edder an sinem havet: Hier antvorde unde erlove ick gicck de borgerschopp van des Rades vvegen, also dat gy mogen köpen unde vorköpen, unde gebreken altes rechten unde gnaden, gelick andern unfern borgern. Oock anrichtet he om, vvo he den lesten artickel in dem eyde verstaen schulle, de alldus ludet: Unde neine unrechte companie en hebben vwillen. Unde secht aldus: Alse gy gefvoren hebben, dat gy neine unrechte companie hebben vwillen, dat schülle gy alldüs verstaen: offte gy selschopp hedden in kopenschopp edder handelinge mit veme, de hier neine borger en vvere, den en scholde gy der tollenteckene to sineme gude nicht bruken laten, also dat der herfcopp to Brunsvvick ore tollendamede affgingen: Sundern to juvven gude möge gy der tollentecken bruken gelick andern unfern borgern. Weret aver ein frovve, de de borgerschop vvinne, mit der scholde me düt holden in aller vvyse, vvo vorgeschreven; Sunderen se en schvveret nicht. Doch so secht me örd den eydt, unde se lovet dem Rade den eydt to holdende. Is id aver ein Jodde, de en schvveret oock nicht: Doch lovet he dem Rade stede unde vast to holdende, alse de eydt inne hefft. Unde wenne me öme de borgerschopp antvordet, so secht me öme aldus: Eck erlöve gicck de borgerschopp, unde neme gicck in des Rades bescherminge, van des Rades vvegen, gelick andern Joden, die hier vvonhafftig sind. Oock schall me wethen, we aldüs de borgerschopp vvinnet, hefft he kinder, de geboren syn eir der tydt dat he borger vvarth, de en hebben an der borgerschopp nicht. Welck kind aver geboren vverdt, de vville sin vater borger is, unde fick an de borgerschopp holet, also dat he stadtpflicht unde borger recht deidt: dat ervet de borgerschopp. An eines borgers echte vviess ervet de borgerschopp: An unechte vviess unde kinder ervet de borgerschopp nicht. Weret oock, dat hier vve kofte hustins, edder guet, dat to Wickbeldes rechte legen, edder gilde vvinne, de scholde erst borger vverden. We oock seck anders vvor neder leide to vvonende jar unde dach, vvolde he hier vvedder komen to wonnende, he möste de börgerschopp upp eyn nye vvinen unde sveren. Wandert aver ein borger uth na siner kopenschopp edder na sinem vverve, teyu jar myn edder mer, de en verluft siner borgerschopp dar nich mede, also vorder, dat he schote unde stadtpflichte doc.

XLVIII. *Wu dat me huldigen schall.*

Ock schall men wethen, vvu de Rad dat plecht to holdende, vvan se unsen Heren van Brunsvvick huldigen schullen. To dem ersten schall me mit öne uthdegedingen, dat se loven unde reden dem gemeinem Rade van allen Wickbelden, dat se vwillen holden stede unde vast alle de breve, de öre olderen, öre brödere, öre vormündere van örer vvegen gegeben hedden dem Rade unde der stad to Brunsvvick; unde unfern borgern, de

bifundern breve van der Herfchop hedden, fe vveren up vvelkerley fake dat fe vveren. Kan men dat ock bededingen, dat fe dütt in dem huldebreve befehelden, dat fcholde me verfoiken. Ock fchall me mit öne uthdedingen, dat fe reden unde loven dem Rade eine rechte gantze söne umme alle fcheling unde fchicht, de vor düffer tydt gefchein weren, dat fe des nicht mehr dencken unde darupp faken en wolden. Unde vvo darane, unde over is, vven dütt gelovet vvorde, de tüge fcholde de Radt fchriuen lathen, vve de vveren, van beiden halven. Ock fcholde men mit öne tovoren bedingen, dat de Herfchop geven also dane breve befeheld dem Rade unde der ftadt, alle öne öre eldren vore gegeben unde befeheld hebben, mit alle den ftücken, de darinne ftanen. Weret ock dem Rade und der ftadt mer dinges noth, des fchullen fe fick ock bededingen, vves fe konden unde mochten, dar fe or recht mede beterden. Ock fchall me alle de breve, de fe dem Rade unde der ftadt geven fchullen, befeheld to fick nemen van den fchriuern, eer me de huldunge doe: Unde men fchall dat tovoren bededingen, dat men dem Rade de breve vergeves geben fchall. Wolde men denne darna den fchriuern unfer Heren eine redelike frundfchop doen, des fchullet fe vwarende vvefen, to des Rades gnaden: Aver te en fchüllet dem Radt mit den breven tovoren nicht befchatten; vvente des nein vvonheit er gevvefen hefft. Ock fchall me tovoren uthdedingen mit den Heren, dat fe unfe borger, de de guth van öne to lene hebben, fchüllen belenen in derfelven ftunde, vven öne gehuldiget is, ane vveddersprake, unde umme eynerleye giff. Also hebben oldings öre eldren gedan, vvente an düffe tydt. Is der Heren mer vven eyn, den me huldiget: De jungen Heren fchullen des dem Rade oren befehelden breff geben, dar fe feck ane vorvillkoren, dat fe unfe borger belenen vwillen ane vveddersprake unde ane jennigerleye giff, vvenn de lenvvahre an fe qveme. Wenn dat aldus to ende gededinget vvere, fo fcholde me de Heren bringen upp de dorntzen upp dat radthus in de Oldenftadt, dat fe dar fetten mit oren mannen. So fchall öne denn de Radt huldigen unde fvveren duffen eydt:

Dat gy unfer Heren Hertogen N. N. to Brunfwig unde to Lünenburg, de hier gegenwerdig ftanen, willen also truwe unde holt fyn, alfe börgere ören Heren to rechte fchullen, dewile dat fe gyck bygnaden, byrechte, unde by wonheit lathen, dat gick GOdt also helpe.

Darna fchall, de des Rades wort holt, denfulven eydt ftanen der meynheit van der lövone: wente de Radt fchall de meinheit vorboden uth allen Wickbelden up den marcket in de Oldenftadt. Ock en fcholde de Radt feck up neyne löffte edder up neyne andere eyde thein lathen, noch up jennigerleye dingk, offt men dat vvol van on elchede.

Wen de huldigunge aldus gefchein were, fo hefft de Radt des einewonheit, dat fe den Heren fchencken jowelcken einen fchauwer, unde tvvintich gulden darinne, edder in andern kleynoden, vvat one gudt düncket. Doch en is dat neine plicht.

Alle vorgeschreven is, watte ambte de Radt under feck plegt to hebbende, dar me Radt unde Rades fworen to to settende. Nu is hierna gefchreven, watte ambte de Radt settet, dar fe to nemen frome borger, de fyn in dem Rade edder nicht.

XLIX. Van vormündern vaderlofer kindere.

Tho dem erften fchall me vveten, vveret, dat hier ein borger edder borgerfche affginge van dodes vvegen, dede kindere na feck verlete, den fe neine vormünder gefettet hedden in örem testamente: Edder vvoroden dem Rade to vvetende, dat de vormünder, edder der kindere moder de kindere nicht vvol vorftunden, also dat dat öre verbifert vvorde: So fcholde de Radt in dem Wickbelde, dar de inne vvonede, feck rekenschop doen lathen, also dat fe vvuften, vvat der kinder vvere; unde den kinderen vormünder fetten, uth dem Rade edder ander frome börgere, de den kinderen vorftönden van dem ören, alle fe beste konden, also lange, dat me feck berede; edder also lange, dat fe achteyn jar oldt vvoroden upp dat mynste. Weret ock, dat kindern vormünder gefettet vveren in testamenten, edder alle vorgeschreven is, de de alle affgingen, edder also vvoroden, dat fe den kinderen nicht nütte vveren: So fcholde de Radt andere fetten, alle öne duchte bequeme vvefen. Unde vve aldus to vormünder gefett vvere, de fchall dene Rade unde der kindere fründen, efft fe des nicht enberen vvilt, rekenschop doen. Is de rekenschop redelick, fo fchullen fe dar vorder neine nott umme liden.

L. Van dem Proveste up dem Rennelberge.

VOrthmer settet de Radt in der Oldenftadt einen fromen prefter to einem Proveste dem klofter unde dem jungkfroven upp dem Rennelberge; unde vvenn se darto fetten, den laten se bestedigen van dem Bifchoppe to Hildensem, offt he stede dar bliven fchal.

M m m ;

Dat

Dat het ein ewig Provest, alse darnu Her Jacob is: unde den enmach de Radt edder de Jungfrowven nicht wedder affsetten, ane sinen vwillen: Idt en sy, dat men alfo dane sake up ōne bringen kōnde, dar he in dem rechten umme to berovende sy: So mach dat doen de Bischoff van Hildesse. En vwell de Radt dar nenen steden Provest to setten, so mogen se de proveste einem prester bevelen lathen. Dem Bischoffe to Hildensem mag me wedder upp seggen, vvan me vwell. Also is dat den meisten deil gehalten, vvente her to.

Ock schhal me vveten, vveret, dat dar vve gefettet vvorde to einem steden Proveste so is dat ein vvonheit, dat he vorvilkore vor dem Convente unde vor einem Notario, offe finer to kort vvorde van dodes vvegen, de vville he Provest vvere: Wat he na lete van gude dat sin vvre, dat sodanes by dem kloster bliven scholde. Des en darff de nicht doen, dem de Provestie befallen vvardt.

Unde vve alldus to der Provestie gefett vvard, he sy stede edder befohlen, de scholde vvol eyde darto doen, dat he der Provestie vorstan vville, alse he best unde truvvelkest kunne.

Ock schall de Provest des closters beste doen vvor he kan. Unde oft me ome van des klosters wegen vvedderstunde, dar macht ane vvere, datt scholde he vorstaen lathen den vormūderen, de de Radt ock dem kloster plegt to settende, unde doen dat mit oreme Rade. Is one forder Rades behoef, so schall he radtfragen mit dem Rade.

Ock schall de Provest rekenen van upnahme unde uthgiffie, ock van kosten unde allem schlete der Provestie, binnē unde buten dem kloster, vor den amptfrowen, vor dem Rade unde vor des klosters vormūderen, wann se dat van ōme eschet.

Ock en schall he des klosters gudes, ane des Convents unde des Rades vulbort, nicht vorsetten, vorpenden edder verlathen, noch neine lieftucht verkōpen, ane ōre vulbort.

LI. Van vormūdern uppe dem Rennelberge.

VOrthmer settet unde biddet de Radt in der Oldenstadt twene frome manne in dem Rade edder dar en buthen, uthe der Oldenstadt, to vormūdern des klosters uppe dem Rennelberge. Unde de schullen dar acht up hebben, effte de Provest des klosters guet also nicht vorstunde, alse he billiken kōnde, scholde unde mochte: dat se ome dartho raden hepen, edder dem Rade datt vormelden. Unde oft dem Proveste, der Ebbeschen edder den jungfrowven sake vorstunden; dat se ōne dar to helpen, effte se ōne des anfinuende vveret unde dat se dat kloster hulpen vorstaen unde ōr beste doen, vvoer se kōnnen. Ock scholde se gaen by des Provestes rekenchup.

LII. Van vormūdern to unser leven Frowven.

VOrthmer settet de Radt in der Oldenstadt, unde biddet twene ōrer borgere to vormūderen des Hospitals to unser leven Frowven vor der langen brügge. De schullen vvehagen unde vorstaen dat sulve Goddeshues unde syn beste prōven unde doen, alle se fürderst kōnnen, unde deme hovemeister hethen doen unde lathen, alle ōne dat nutte unde bequeme dūncket vvesen; unde des Goddeshuses privilegia unde breve beschluten unde bwaren, underekenchop van dem Hovemeister eschen, vvan ōne dat bequeme unde nutte vvesen dūncket; unde by der rekenchop mit dem Rade vvesen, vvan de hovemeister de deyt. Unde vveret, dat de Hovemeister unbequeme dem Goddeshuse vvere, dat scholde se dem Rade melden.

LIII. Van dem Hovemeister to unser leven Frowven.

VOrthmer settet de Radt in der Oldenstadt einen fromen mann, he sy priester edder leyto to einem Hovemeister des Hospitals to unser leven Frowven vor der langen brügge. De schall doen lathen, wat ome de vormūdere dar sulves hethen van des Goddeshuses vvegen; unde schall riden buthen de stadt, vvor dat Goddeshues guet effte tinse hefft, unde dat bemeyren, de tynse manen, knechte unde gefinde meden, buwen, coddē, ploigen, seygen, meygen unde droschen lathen, unde des Goddeshuses guedt vorstan, binnē unde buthen, alle he best unde truvvelikest kan: jo mit Rade unde vulborde der vormūdere; unde dat kokent, bakent unde buwent vorstaen unde de provende geven, alse ome dat bevolen worden.

Ock scholde he vvol eyde doen, dat he dut truvveliken vorvwaren vvolde. Vorthmer schall he hier van rekenen den vormūdern unde dem Rade, vvan se dat von ome escheden. Hievor scholde ōme dat Godeshus geven, alse de vormūdere sick des mit ōme verdrogen.

LIII. Van

LIII. Van vormunderen to sunte Thomas.

Ock settet de Radt in der Oldenstadt tvvene vormündere to sunte Thomas vor dem Peters dore, de schullen holden alle dingk von des Godeshufes vvegen in dersülven vvielse, also van unfer leven Frouvven vormündern geschreven is. Unde de settet einen Hovemester mit vulborde des Rades, also öne de beqveme duncket vvesen. Unde de Hovemester schall doen mit örem Rade, also van dem Hovemester to unfer leven Frouvven vorgeschreven is.

LIV. Van vormundern to sunte Lenarde.

Ock schall me weten, dat de Radt in der Oldenstadt settet tvvene vormünder to sunte Lenarde, unde to vort einen Hovemester. De schullen ock holden ör dingk van der saken vvegen, also vorgeschreven is, van den vormundern unde Hovemestern to unfer leven Frouvven.

LV. Van Olderluden to sunte Marten.

Vorthmer schall me vveten, dat de Radt in der Oldenstadt settet unde biddet tvvene frome manne uthe der parre to sunte Marten, de dat Goddeshufes vorstaen, unde heten Olderlüde. Or ammecht is, dat se entfanget des Goddeshufes reathe unde geldt unde de allmessen, de de gegeben vverden dem Goddeshufe in Testamenten, edder up de tafelen, edder vvor van dat dem Goddeshufe vvorde: unde bekostingen dar van buvve, Coddevverk, gelüchte, zirade der kercken, unde den flete, de de dem Goddeshufe anliggende is: Ock doen unde präven des Goddeshufes beste, vvor se können. Unde vveret, dat dem Godeshufe bedreplick buvv edder ander doent vvedderstonde, vvat se darane deden, dat scholden se doen mit des Rades vulborde unde rade. Ock scholden se keine lieftucht ane des Rades vulbord verköpen.

Vorthmer schollen se dem Oppermanne befehlen to bevarende unde to beschlutende de kercken, hillige doem, böke, kelcke, missvvandt unde andere ornat, dat dar vvere, unde dar gelüchte; unde dar achtunge up hebben, dat de Opperman unde syn schölere truvve vveren, unde doen, also seck dat geborde.

Vorthmer schullen se des mechtich vvesen, to schickende umme de frouvven stöle, also se dat bequeme vvere. Doch en scholden se nemande uthe vvielsen, dar malck van dem Goddeshufe inne vvere, ane synen vwillen. Ock en scholden se nemande vvielsen ane sinen vwillen uthe stölen, dar malckes vviess, moder, grotmoder, süster edder broders vviess inne gevviesset vvere.

Ock en scholden se vor de stöle unde vor de grafft nicht eschen, edder verbededingen, vvente dat is Simonie. Ock scholden orer ein umme gaen mit dem sceme des hilligen dages, alle de vvonheit plegt to vvesende. Vorthmer schollen se beschriben alle upname unde uthgiffte des Goddeshufes vvegen, unde dem Rade dar van rekenen, vven se dat van one eschet,

LVII. Van deme Oppermanne to sunte Marten.

Vorthmer entfanget unde settet de Radt in der Oldenstadt unde de Olderlüde to sunte Marten einen Opperman dem Goddeshufe to gude. Unde vven se entfanget, de schall deme Rade unde den Olderlüden borge setten truvve tovvesende, unde vvol to vvvarende, vvat ome geantvordet vvar. Wente vorlöre he vvat, des vvere he plichtich togeldende. Unde vven se tom Oppermanne entfanget, de schal holden tvvene schölere. He unde de schölere beyde schullen alle dre schlafen alle nacht in der kerckene, unde vvervaren, dat dem Goddeshufe nicht gestoelen vverde. Vorthmer schall he maken alle lechte, der me behovet in der kercken, ane sündelik loen.

LVII. Van den Olderluden to sunte Peter.

Vorthmer settet unde biddet de Radt in der Oldenstadt tvvene frome manne uthe sunte Peters parre to Olderlüden darfulves. De schullen doen alle ding, also van sunte Martens Olderlüden geschreven is. Ock holt me dat umme den Opperman also van sunte Martens Oppermanne geschreven is: sundern he helt men einen schöler.

LVIII. Van dem Olderluden to sunte Michaele.

Ock settet de Radt in der Oldenstadt tvvene Olderlüden to sunte Michaele, de dar in de Parre höret, unde de holden dat ock, also vorgeschreven is. Ock helt men dat umme den Opperman, also van sunte Martens Opperman geschreven is: sundern he holt einen schölere.

LIX. Van

heilhe beilgh
beilgh

LIX. Van vormundern tom hilligen Geiste.

Ock settet de Radt uth der Oldenstadt, twene frome manne uth der Oldenstadt to vormundern to dem hilligen Geiste, de schullen holden alle dingk, alse van sunte Marten vormundern geschreven is: sundern mit den frauven stoelen. Ock helt me dat anders mit dem gelichte; vvente dat doen de prestere sulven, malck to finer missen, Ock entsetget se den Opperman, unde lonet 6ne.

LX. Van vormundern to sunte Auctor.

Ock settet unde biddet de Radt in der Oldenstadt twene frome manne to vormundern to sunte Auctoris capellen, de schullen ore donent holden, alse van den Olderluden vorgeschreven is.

LXI. Van dem Oppermanne to sunte Auctor.

Vorthmer medet de Radt in der Oldenstadt einen Opperman to sunte Auctor, de schall vervvahren de capellen mit upschlutende unde toschlutende: unde vorvvahren dat missvvandt, kelke, böke unde andern ornat, unde sitten by der tafelen. Wat darup geoppert vvar, dat schall he antvorden den vormundern, unde schall den Heren dar helpen misse lesen.

LXII. Van vormundern to sunte Bartholomeus.

Vorthmer settet de Radt uth der Oldenstadt tvve Olderlude tho sunte Bartholomeus.

LXIII. Van vormundern to dem damme to Vechelde.

Vorthmer settet de Radt in der Oldenstadt einen edder tvve to vormundern, to deme damme to Vechelde, de schullen upnehmen, vvat dartho gegeben vvorde, unde da den vvech mede beteren; unde dat dem Rade berekenen, unde dat also vort holden, alse dem Rade duchte gut vvesen.

LXIV. Van vorögeren des affgravendes.

Vorthmer biddet de Radt in der Oldenstadt tvvene gardenere unde settet se dartho: effe se vernehmen edder vvusten, dat der stad unde der gemeine vvur affgegraven edder affgetünet vvorde edder vvere, dat se deme Rade melden. Dartho schvveret he einen eyde alse de in dem eydeboke geschreven is. Des gelick scholden ock doen de Rade in dem Hagen in der Nigenstadt, unde in der Oldenwick.

LXV. Van roden vvroigern.

Ock schall de Radt in der Oldenstadt twene gardenere, de dat vervvarden, dat de gardenere dar helden mit der roden to plantende, unde to buvvende, alse de Radt dat gesettet hefft, unde alse in dem echten dinge geschreven is. Unde dar scholden se dem Rade eyde to doen. Des gelick scholden ock doen de Rade in dem Hagen, in der Nigenstadt, unde in der Oldenwick.

LXVI. Van den, de vvichte tekent.

Vorthmer settet de Radt in der Oldenstadt einen dartho, de de vvichte tekenen schall mit der stad tekene. De en schall noine lode tekenen, he en see, dat de lode rechte gvvesen syn. Ock en schall he neine blien lade tekenen.

LXVII. Van dem Botterstöter.

Vorthmer settet de Radt in der Oldenstadt einen Botterstöter, de schall methen den luden bottern unde honnich, unde schweret düssen eydt: dat gy malckem recht methen vvullen bottern unde honich, na juwen viff sinnen alse gy best können unde mögen, unde vviele dat it dem Rade unde gick behaget. We Botterstöter vvard, de schal dem Botterstöter geven einen verding vor dat gerede, unde holden dat in alsodaner beteringe, alse he dat entfangen.

Dut is datt gerede, eyn amber, eyn verndel, ein halff verndel, eyn küele unde ein stücke bredt. Ock schall he yervvahren, alse he best kan, dat malck verköpe de botteren, vort

dat se sy: alse Vreysch vor Vreysch, Norrensch vor Norrensch. Unde vvenn he botteren midt, de schall he reinigen, dat it koepmanns guet sy.

LXVIII. Van den Mekelern.

VOrthmer settet de Radt in der Oldenstadt twene Mekelere: einen, de schall verkoipen dat koepmans gut is, ane korne; unde de andere en schall anders nicht handelen, vven korn, unde se schullet handelen öre ding aldüs: de erste Mekeler schall nemen van einem perde van tvvintich marcken unde twolff marcken ein loth: dar benedden van der marck twene penninge. Van der last koppers unde tennes einen schilling, van der last blyes VIII. S, van dem scheppunt vlasses VIII. S, van den timber vverkes einen penninge, van dem timber lasteken einen penning. Van dem timber harenbalge twe penninge. Van der specerie, de to kramwercke höret, van der marck II. penninge, van der entelen tunnen I. penning, van der centner visches II. penning, van dem amber I. penning; Unde des gelick, van der bottern, van allerley stockfische van der marck I. penning, van talge, van fleische, olie unde schmere, unde van allem vetten gude, jo van der marck, einen penning, unde ock van vvulle, jo van der marck, einen penning. Van den langen lakene, van allerleye varveden vvande, unde van grönem vvande, unde van Brunswickschen wande, jo van der marck, einen penning. Desgelick van sydem wande, van vvine unde van bere; ock van velen andern stücken, de hier nicht benömet en syn, jo van der marck I. penning, düsse mekeldie scholde halff geven, de de verköfft, unde de andern helfte, de de köfft. Over wat koepe neyn Mekeler en vvere, dar dochte inen ome nicht van geven.

De Mekeler van dem kornede schall nehmen van der marck einen penning, vvat he köfft unde verköfft, unde en schall nicht köpen, wen von unsen borgern unde burgerischen van denn bönen. Ock en schullet düsse beyde Mekelere neinerleye gelt noch kumpanie hebben mit nemande, dar se vordeill ane soiken mit kopenschop, unde schullen unsen borgeren unde burgerischen alle dingk hir ane to gude holden, alse se fürderst kunnen, unde schullet dem Rade schweren ören eyt. Duffem gelick schullen de Rede im Hagen ock hebben twene Mekelere, unde de Radt in der Niegenstadt ock twene.

LXIX. Van den Waterförern.

VOrthmer settet de Radt in der Oldenstadt tvvene foermenne darto, dat se den lüden water föret: alse einen, de föret dat water vor dem Peters dore, vor der Peters brügge; de ander foreth water van dem Sutmölen dore. De waterförer vor dem Peters dore schall de koepe vvaters fören vor dre scharff, van sunte Peters brügge vvente to der keden vor der breiden strate, unde to der gülden strate, unde dar en binnen. Wat he ock foreth over de keden, dar schall he nemen vor de koepe twe penninge unde nicht mer: sunter in sunte Michaelis naberschop. Wat he dar forde, dar schall he vor de koepe nemen III. penninge unde nicht mer. Wat he ock forde up de langen strate, dar schall he vor de koepe nemen IX. fering. Aldüs hebben dat oldings pe waterförer vor den Peters dore holden. De vvaterförer vor der Sutmölen dore schall na antale vvegen ock nehmen alldus.

LXX. Van ambten des Rades in dem Hagen, van Vormundern vaterloser kinder, Vormündern to sunte Joste, Olderluden to sunte Catharinen, Vormundern tom damme tho Schepenstede, van Wroigern des affgravens, van Roden Wroigern, van Wroigers, de hore in de Oucker vvarpen, unde van Mekelern.

VOrthmer settet de Radt in dem Hagen düsse nageschreven ambte, dar se to nemen frome lüde, se syn in dem Rade edder nicht. To dem ersten setten se vormündere den kindern in orem Wickbelde, unde de neine vormündere en hebben; unde dat schal me darmede holden inderfulven vviese, alse vorgeschreven is.

Vortmer settet se tvvene vormündere to sunte Joste, de scholden ore dingk holden mit der vormunderschop unde mit orem Hovemester alse vorgeschreven is van den vormündern to unser leven Frovven to dem Hospitale vor der langen brügge.

Item settet se twe Olderlüde to sunte Catherinen uthe der parre; de schullet dat holden, alle van sunte Martens Olderlüden schreven steit. Des gelick mit den Oppermanne.

Vorthmer settet de Radt im dem Hagen twe vormünder to dem damme to Scheppes stede de schullen ore dingk holden, also de vormünder des dammes to Vechelde.

Item scholden se setten twe gardenere darto, dat se dat affschuvent unde affgravent vwarden, unde dar eydt to deden, also vorgeschreven is.

Item schallde Radt im Hagen setten lüde, twe edder mer, de by dem graffen vvohnhaftig vveren; de dat vwarden unde eyde darto deden, to meldende, eiffe se vornemen, dat vve dar har in den graven vvorpe; dat se dat dem Rade melden, unde dat scholde malck vvvahren ein jar, ein naber na dem anderen.

Vorthmer settet de Radt in dem Hagene twe Mekelere: einen, dede handele koopmanns guth, unde einen: dede handelekorn, unde schullet holden ore dingk, also van den Mekelern in der Oldenstadt geschreven is.

LXXI. Van ambten des Rades in der Nigenstadt, also van Olderluden to sunte Andreas, van Wroigern des affgravens, van Roden Wroigers, van Mekelern.

Dusse nageschreven ambte settet de Radt in der Nigenstadt, dar to se nemen frome lüde, se syn in den Rade edder nicht.

Tom ersten setten se twene Olderlüde to sunte Andreas, de öre dingk holden, also van sunte Martens Olderlüden unde Oppermanne geschreven steit.

Item se settet twene Gardenere to vorwarende dat affgravent unde afftinet, also vorgeschreven is.

Item settet se twene Gardenere, de dat vvvahren mit der Roden, also vorgeschreven is.

Ock settet de Radt in der Nigenstadt twe Mekelere, gelick also de in der Oldenstadt.

LXXII. Van ambten des Rades in der Oldenvvick, also van Olderluden tho sunte Magnes, van Wroigern des affgravendes, van Roden Wroigern.

DE Radt in der Oldenvvick settet twe Olderlüde to sunte Magnes in der wiese, also vorgeschreven is van sunte Martens Olderlüden, unde ock einen Opperman darfulvest.

Item setten se twene Gardenere to vorvwarende dat afftinet unde affgravent, also vorgeschreven is.

Item setten se twene Gardenere, to vorvwarende dat Roden buvvent, so vorgeschreven is.

LXXIII. Van ambten des Rades im Sacke, also van Olderlüden unde Oppermanne tho sunte Olrike.

DE Radt im Sacke settet unde biddet mit Rade der parlüde to sunte Olricke twe Olderlüde uthe der parre, darfulves uthnemen se, uthe der Oldenstadt edder uthe dem Sacke vvoor se öne beqveme düncket wesen; unde setten öne den Opperman darfulvest in der wiese, also van sunte Martens Olderlüden unde Oppermanne vorgeschreven is.

LXXIV. Van dem Hövetmanne unde Uthrideren.

Also vorgeschreven is van den ambten, so folget hierna, vvat de Radt plegt to holdende vor gefinde, dem se loen geven.

To dem ersten is hierna geschreven van dem gefinde, den de gemeine Radt plegt to lonende. De gemeine Radt holt der gemeinen stadt einen Hövetman unde andere denere uth to ridende, de schullen dem Rade denen na der vviese unde vor alsodanem soldt, also lück de Radt mit öne verdragen vvolve, edder mit andern uthrideren, de uppe soldt denenden. Hedden se öre eigene perde, de se in de denste riden scholden: So scholde de Radt mit ore degedingen, beschedtliken umme ore perde, also dat de Radt neinerley argeringe der perde gelden vvell; vven hövet seeck, bevvislike openbare lemenisse, unde blindnisse in beyden ogen, edder in einem oge, unde anders nicht.

Ock scholde men heimliken mit önen overspreken umme öre feugnisse, dat men des einen waen Wete, wo ör dingk gelegen sy, unde wo se dat mit dem Rade holden vvolden. We dat vorspreke, unde dat anders hebben wolde, den vvolve de Radt buthem orem den-

ste lathen. In derfulven vvielse schall men dat ock holden mit unsern borgeren, de dem Rade perde holdet, dat men one neinerleye erringe gelden schall, vven alse hier vor geschreven is.

Weret aver, dat de Radt dem Hovetmanne edder den andern oren uthridern de perde doen vvolde van dem Marstalle, vven se uthe vvären: So scholde men one befelen, dat se der perde trüvveliken vvarden scholden, unde se vorsattliken nicht vorriden edder vorsümen. Ock scholde me one seggen, wenn se mit dem Rade uthe vveren, dat se denne up den Radt vvarden scholden, unde deden, vvat me one hethe, up dem velde edder in steden, wo sick dat gefelle. Ock scholde men one seggen, dat se gude knechte holden scholden, Ock scholden se dem Rade schweren ören eydt.

LXXV. Van dem ridene koke des Rades.

Vorthmer holt de Radt einen mank den uthridern, de de koket dem Rade unde den börgeren, vven se uthe syn to dagen, edder in hervarden: de en schall nein kokerecht noch hüde hebben van Rades kosten, sundern he schall deme Rade dat arbeit doen vor dat loen, des me öme mer giff, wen einen andern uthriden.

LXXVI. Van den de de landtvere beryden.

Ock schall me vveten, dat de gemeine Radt holden schall dre edder vere. De schülten riden by de lantwehre, eyr de herde uthdrift, unde besen de binnen unde buthen offte dar jemand over togen sy; edder offte dar jenig schlage buthen wegese getredet sy. vorfaren se wat, dat scholden se erst dem herde vvittlick doen, dat he dat vervvarede, unde darna den Borgermeisteren.

LXXVII. Van den Schriveren.

Vorthmer helt de gemeine Radt dre schrivere, einen in der Oldenstadt, unde einen in der Nigenstadt, unde einen in den Hagen. De schriver in der Oldenstadt schall vervvaren dat schrivendt in des Rades bouke in der Oldenstadt unde in dem Sacke, unde vorvwaren den Radt unde unse börgeren in den schriffen, alse he best konde. Ock scholde he schriben unde registeren de breve, dede Radt in der Oldenstadt unde bysünderen besegen lathen vvolden. Ock scholde he by dem gemeinen Rade, unde by dem Rade in der Oldenstadt, unde by dem Rade in Sacke vvesen, wenn se thohope gaen; by one thosittende, unde helpen dem Rade raden dat beste, dat he vvuste, in alsodanen saken, dar it öme sögede: offte öme de Radt vves ansinnende vvere.

Ock scholde he schriben to dem schote in der Oldenstadt, unde in dem Sacke. Ock scholde he kundigen dat echte dingk, unde vvat de Radt kundigen lathen vvolde van der lovene, offte öme de Radt dat hethe.

Vorthmer scholde he mit den, de van des Rades wegen dar tho gefatt vvehren, by der stad breve gaen, de to sunte Marten besloten syn, unde de to synne nemen: offte sick dat also selle in saken, dar de breve der stad to gude komen möchten, dat he des dem Rade vermanede, vvat öme des to sinne vvene.

Ock scholde he truvvelcken warven, vvat öme de Radt befole to vvarvende, binnen der stad. Vordroege seck ock de Radt des mit öme, dat he des Rades vvarff buden der stad riden scholde; wat öme de Radt befole, dat scholde he vvarnemen, alse he best möchte.

Ock scholde he dem Rade schweren den eydt, de van öme in dem eydebouke schriben steyt.

Vorthmer de schriver in der Nigenstadt scholde schriben des gemeinen Rades breve, se weren open edder sendebreve; unde alle opene breve, de de Radt geve, registeren, edder registeren lathen, unde vervvaren den Radt in alle oren breven, alse he best konde. Ock scholde he vorvwaren alle de breve, darane to donde vvere, de dem Rade gesandt vvorden.

Ock scholde he schriben, vvat de seven Büdelheren up der smede van upname unde uttgiffte van des Rades wegen to schrivende hedden.

Ock scholde he schriben in des Rades bouck, unde to dem schote in der Nigenstadt.

Ock scholde he dem Rade, offt se öme vves ansinnende vveren, raden dat beste, dat he vvuste, in saken, dar it öme sögede.

Ock scholde he dem Rade schweren den eydt, de van öme in dem eydeboke geschriben is.

Vorthmer de schriver in dem Hagen scholde schriben in des Rades bouck, unde to dem schote im Hagen; unde vort schriben, vvarven unde doen, wat öme de Radt in dem Hagen hethe.

LXXVIII. Van dem ridende Schriver.

VOrthmer helt de gemeine Radt einen ridenen schriver. De schall riden des Rades vvarff buten der stadt unde vvarven des Rades vvarff binnen der stadt unde buten der stadt, alle he truwelickst unde best kan. Unde wan he rede buten der stadt in vvarve, dat unfer borger vvelck befündern anrörde, de scholden öme denne teringe plegen. Wan heaver der stadt unde des Rades warff rede, so scholde om de Radt de teringe doen.

Vorthmer, wen de Radt vvor to dage rede; dar scholde he mit dem Rade riden, offt ome de Radt dat hette; unde schriben, vvu men van dem dage gescheiden vvere; unde scholde des Rades tergelt föiren, ock bewaren, unde öre teringe vorstaen, devvile se buten weren, by sinen eyden.

Ock scholde he schriben in des Rades bouck, unde to dem schote in der Oldenvvijk. Ock scholde he dem Rade schweren den eydt, de van öme in dem eydeboucke geschreven is.

LXXIX. Van der stadt Syndico.

VOrthmer holt de Radt einen Syndicum. De schall den Radt unde de stadt verantwoeden in geistliken richten, binnen effte buten, efft one des wat anliggende vvebre; unde der stadt unde der borgere beste vveten unde vverven, vvu he kan unde mach.

Unde vveret, dat one de Radt bedarven vvolve in jorwelcken saken vor einem Notario, dat schall he döen, unde dem Rade de Instrumenta geven, ane sunderlick gelt, sunder dat pergament: unde in vvatte saken, de dem Radt unde der stadt anliggende vveren, bebedede, dar en dochte ome de Radt nicht sunderlikes vor geben, boven syn gemedede loen. Denede he aver unfer invvoner vvelkem bysünder, van dem scholde he nehmen to lone, wat redelick vvere. Wolde one de Radt bedarven fordes vven to Mentze, des scholde de Radt mit ome bededingen, eer se öme dar senden, wat se öme darvor geben scholden. Wente dat entrit an syn beschedene loen nicht. Ock scholde he dem Rade doen den eydt, de van ome in dem boucke geschreven is.

LXXX. Van dem Tollenschriver.

VOrthmer holt de gemeine Radt in der tollerbode einen tollschriver; de schall vvesen den dach over alle dage in der tollerbode unde darvoer, unde vvarde der zise, tollensmettenpennings unde geldes; vor allerhande stein, alle ome de Radt dat befelet: unde holden dat vort, alle syn eydt uth wiefet.

LXXXI. Van dem Müntemester.

VOrthmer holt de Radt einen Müntemester, vven de ydt is, dat men penninge schlan schal. De schall geeten in jegenvvardicheit der Geteheren edder örer eins up dat mynste, unde van den Geteheren dat sulver entfangen, unde der penninge van maken; ock knechte darto holden, unde vvadder also schwar den Geteheren an penningen, de gemüntet syn, up vvegen, alle he entfangen hedde, unde allen schlete staen; unde dat fort holden: alle he seck mit dem Rade verdragen hedde. Unde vvu de Radt unde he dat fort holden möchten, des findet men vvole ein schrift in der muntie boucke up der schmeden.

LXXXII. Van deme, de vor de Godinge ridt.

VOrthmer holt de gemeine Radt einen eigen dartho, unde lonet dem, de des erfaren is, dat he mit dem Rade edder mit den borgeren, vven des to donde is, vor de Godinge, edder offte vor andere vvarlicke gerichte riden möge, unde se vor spreke, unde öne rade dat beste, dat he vvette. Unde de schall deme Rade schweren den eyt, de van ome in dem eydeboucke geschreven is.

LXXXIII. Van dem Marckmester.

VOrder holt de gemeine Radt einen Marckmester unde lonet öm. De schall deme Rade öre armorboste verdich maken umme loen: unde, offte de Radt vvolve understunden schütten hebben uppe schlöten edder in heervarden, de schall he dem Rade to bringen unde proven darmede des Rades beste. Weret ock, dat ein uthjagt vvorde edder ein heeren fart, so scholde he de schütten regeren, darna alle öm dat befohlen, de van des Rades wogen uth vveren.

LXXXIV. Van des gemeinen Rades Tymmermester.

Ock holt de gemeine Radt einen mester timmerman, unde kledet dene. De schall dem Rade arbeiden mit synen knechten, binnen der stadt unde dar en buten umme loen, in vvelck Wickbelde, dar one de Radt arbeiden heithe, unde proven der stadt beste mit den timmervvarcke, na rade des Rades unde der buwmeistere, de de Radt dartho schicket hedde.

LXXXV. Van dem Mölenmester.

VOrthmer holt de gemeine Radt einen Mölenmester, unde lonet dem. De schall vorvvarren deme Rade holt, isernvverck, unde allerleye dingk, dat sy olt edder nye, dat to alle des Rades mölen horet; unde see to in allen mölen, offte dar jennich gebreck were, edder vorlümnisse velle an den mölen edder an den knechten: dat he dat vorvvarre, offte dat dem Rade melde. Unde vvere an den mölen vyat to buwende edder to coddende, dat he dat doe mit rade des, dene de Radt to einem buwmeester to den mölen gefat hefft; unde alle andere ding heelde, alle om de Radt dat besole. Unde he scholde deme Rade schweren synem eyt. Ock schall me vverthen, dat undervvilen düsse Mölenmester in einer mölen koit geven mede: So schweret einen andern eyt.

LXXXVI. Van den kostgevern in der mölen.

VOrthmer holt de Radt viff kostgevere in den mölen, de des Rades syn: Alse einen in der Sudtmölen, einen in der Dammölen, einen achter der Borch, einen in der Wendemölen, unde einen in der Nigenstadt mölen. Unde duffer kostgeber schall ein jovvelck knechte holden, unde den geven ethen unde drincken, unde one lonen, de one helpen der lude korne melen, unde vervvahren, dat öne in de mölen to melende gebracht worde. Unde se en schüllen nein korne entfangen to melende in de mölen, se en hebben dar erst van des Rades metten tekene in de kisten stecken. Ock scholde der ein jovvelck bekostigen in syner mölen hagedorn, schüffel, brede, lecht, vet unde anderen schlete ane buw, alle seck de Radt mit öne verdragen hedde. Se unde ore knechte schullen dem Rade schweren ören eyt.

LXXXVII. Van dem Stallvverder.

VOrthmer holt de gemeine Radt einen stalvverder up dem Marstalle. Dat schall vvesen sodan man, dat he vvethe, vvu men mit perden umme gaen schall. De schall holden frome knechte, unde bekostigen se, de perde vvarden mit om. Unde he unde de knechte scholden riden, weme unde vvur de Rath dat van one hebben vvolve, in dem harnsche edder anders; unde scholden dat fort holden, alle sick de Radt mit öne verdröge. Ock scholde he up dem Marstalle nein queck mer hebben; twelfwine, twe schock hönere.

LXXXVIII. Van den Havervvender.

VOrthmer holt de gemeine Radt unde lonet einem, de des Rades havern helpet upmeten unde vveder affmeten in allen steden, dar öne de Radt liggen leth. Unde schall den wenden unde umme stecken, vven he des behovet; unde schall schvveren dem Rade darto sinem eydt.

LXXXIX. Van den, de de teigelhüse vervvahren.

VOrthmer holt de gemeine Radt twene dartho, dat se vorstaen den teigelhüfern: alse einen in der Oldenstadt, unde einen in dem Hagen. De schüllet dar acht up hebben, ein jovvelck to sinem teygelhüse, unde beschriven, vvat de erde kostede to gravende unde to foirende vvente up dem teigelhüse, to einem jare; unde vvat dat holt kostede to hauvvende unde to foirende; unde vvu menning foider dat des sy, u de sick den teigelerdenstein antvworden unde tellen lathen, unde dar to sein, dat de stein jo gar unde gantz sy; unde den teigeler loven na dusent tael, alse seck de Radt mit ome verdragen hedde. Unde scholde de zedelen schriven unde bevwaren, vventhe dat he rekende, de ome vor teigele uth der tollengebode gefant vvorden: unde dat fort holden, alse seck de Radt mit öm verdroige, unde syn eyt uthvviefede.

XC. Van den Teigelmesteren.

Ock holdt de gemeine Radt twene teigelmestere, up jovvelkem teigelhofe einen: de schüllet den stein maken unde uthbernen, ock gantz und gar dem Rade upp antvworden; unde dat fortdholden, alse sek de Radt mit öne verdroige, unde öre eydt inne hafft.

XCI. Van dem Scharprichter.

VOrthmer holt de gemeine Rath einen scharprichter, unde lonet deme, unde kledet öne. Watt sin ammecht, dat weit me woll. To dem lone, dat öme de Rath giff, schullen öme geven de gemeinen openbahren wiver, alle de in dem Roden kloster unde up der Mürenstrate, unde dejenne, de openbare einem jowelkem meine findt; geven de werdinnen, jowelck to der wekene, einen penning: unde öre megede, jowelck to der wekene, ein scherff. Sünder mit den jennen, de in neinem openbare huse findt, schall he sick bewerer, unde sick an öne nicht begriepen.

XCII. Van den Burmestere in der Oldenstadt.

Alse vorschreven is van dem gefinde, dat de gemeine Radt holt, unde dem de gemeine Radt lovet: Is hierna geschreven dat gefinde, dat ein jowelck Wickbelde holt, de me uthe der Cemmerie lonet.

Tho dem ersten holt de Radt in der Oldenstadt veer burmestere, de de warden uppe de Borgermestere, unde uppe den Radt, wen se tohope findt, unde werven, wat öne de Radt befelet, unde gaen, wur se de Radt sendet. Unde wen de Radt wel win schenken frommen lüden, den schullen se dregen in de Oldenstadt, in de Oldenwigk unde in den Sack. Ock schullen se dem Rade melden unde schripen lathen, wat schorbahr sy, unde de lüde vorboden to dem schote. Vorthmer düffer burmester twene, alle de in sunte Olrikes burfchop, schullen de denere vorboden, dat sy dach edder nacht, wan de wurriden schüllen. Ock schall de burmester in der Hogendors burfchop dem marckmester unde dem bodel manen helpen des Rades marcket penninge. Unde, wenn de olde Radt uthgeit, so schall ör denst ock urhe wesen: lit en were, dat se edder örer welken de nye Radt vvedder entfangen, up ein nige. Unde also dicke, alle me entfanget, schüllen se dem Rade schweren ören eydt.

XCIII. Van dem Boden.

Ock holt de Radt in der Oldenstadt, dem gantzen Radt to guede, einen boden. De schall gaen edder riden dem Rade over feldt mit breven edder mit vvarve, alle öme de Radt dat befelet. Wen he to hues is, so schall he warden upp den Radt, lick einem burmester, unde helpen den burmestere wyn schencken, effte des behoeff is: lündern ane den schenckel penningen hefft he neinen deil. Unde schall dem Rade schweren synen eydt.

XCIV. Van dem Froneboden.

VOrthmer holt de Radt in der Oldenstadt einen froneboden. De schall de lüde vorboden vor gerichte, unde besetten van des gerichtts vvegene vven de dat van om eschet in der Oldenstadt; unde vvarden uppe den Radt, wen se tohope findt. Ock schall he de lüde angripen, unde de vorvaren in des Rades hechte, de vvedder den Radt unde de stad gedaen hebben, alle öme de Vogede unde de Radt dat befelen. Weret ock, dat de Radt fangen hedde, de se schatten vvolden, de scholde he ock bearbeiten. Vorthmer schall he unde sin knecht de swine panden, de up der straten gingen, unde antworten dem Cemmerer, vvat dar van to broike keme.

Ock scholde he melden unde schripen lathen; vvat he vvuste, dat schottbar vvere; unde scholde holden in sinen kosten einen knecht, den de Radt ock bedarven möchte. Den jennen kledet de Radt unde giff öme nein loen. Ock schall de fronebode dem Rade schweren synen eydt.

XCV. Van den Wechtere in der Oldenstadt.

VOrthmer holt de Radt in der Oldenstadt ses vvechtere, unde lohnet dene. De schullen vvaken alle nacht vor dem winkeller, edder vvur one de Radt dat hethe, van der tydt an, dat men de wächterklocken luth, wente dat it dach is. Unde der schullen öre umme gaen vormittnacht, unde dre namittnacht vor de dore, unde spreken den lüden to uppe den doren, also lange, vvente se öne antworten, unde wedder, unde vorth in den straten in der Oldenstadt; unde hebben dar acht up, dat de dore vervvahret syn mit schlutende, unde seen, effte se jergen vernemen (a) duverie, vorrettenisse, mort edder schedelisse sammelinge, edder unvorvart füer; dat se dat meldeden. Unde effte wur füer upstonde, dat vvere dach edder nacht, dar scholden se dregen de fürhaken, unde dat füer löschen holpen.

(a) f. deverie furta.

pen, unde de haken vvedder indregen vor dat schranck. Ock so scholden se de keden unde de schlage sluten up unde to, also unde vvan de Radt one dat befelde. Ock scholden se dem Rade gaen over velt umme loen, vvan de Radt dat van one edder örer vvelken eschen lethe: unde vvelcköre eine nacht uthe vvesen vvolde, de scholde van den Cemmerer orloff nemen. Were he uthe in des Rades vverve, so endochte he neymende in sine stidde hebben: anders scholde he einen andern hebben in syner stidde. Ock schullen se brodt ropen, vvanne men dat geven vvolde up dem keller hove. Ock schullet se holt unde blidenverck up unde affleggen, vvan dat de Radt eschen lethe. Ock schulden se dem wedder helpen entegen lüden, wen de Opperman dat van onen eschet. Ock en schullen se nemande hufen edder hegen, den de Radt nicht liden vvolde.

Mangk duffen ses vvechteren schullen vvesen twe kurwechtere. De schullen dat achten, dat de andern öre cumpane dit holden, also vorgeschreven is, also se best kunnen. Unde de schullen dem Rade schweren duffen eydt, ein jovvelck bifunderen:

Dat gy acht up hebben, dat juwe viff medecumpanen dat holden mit dem wakende, mit dem ummegange, mit den fürbaken to dregende, also gyck vorgelesen is; unde de keden unde de schlage toslutende, also unde wanne juck dat de Radt befelde. Unde weret, dat darunder welck were, de des also nicht en helden: dat gy dat dem Rade also melden, unde dat gy dat doen na juwen viff sinnen, also gy besten kunnen unde mögen, dewile idt dem Rade behaget dat juck Godt so &c.

XCVI. Van dem Waechmester in dem vvaechuse.

V Orthmer holt de Radt in der Oldenstadt einen waechmester in dem waechuse in der Oldenstadt, de den lüden öre guht vvege, vven de Radt dat waechus sulven hefft. De schall dem Cemmerer up antworten alle vvege gelt, dat öme vvert. Unde effte hier ein gast mit den andern gaste kopfslagede, dat scholde he melden dem Rade, efft öme dat to wende vvorde. Ock scholde he schweren sinen eydt.

XCVII. Van dene, de up den binnersten dore slapen.

Ock holt de Radt in der Oldenstadt dre manne, der des nachts uppe juwelckem dore ein schlafen schall, unde lonet one: als ein up sunte Michaelis dore, ein up dem Hagen-dore, unde ein up dem Peters dore: unde de schweret dem Rade einen eydt. De eydt wiefet vvohl uth, vvu de dat holden schullen.

XCVIII. Van den Dorvverderen.

V Orthmer holt de Radt in der Oldenstadt unde lont den dorvverders; einem vor sunte Michaelis dore, einem vor dem Hogen dore, einem vor dem Peters dore. Duffe schullen des dages sitten in der dorbode, unde des nachtes schlafen up dem butersten dore, unde hebben dar acht up, also se best kunnen, efft dar vve vvere unde qveme, de in de stad wolde edder daruth mit rove, den se genomen hedden, edder dat land uppe der zeife beschedet hedden: dat se de nicht darin lethen, ane des Rades hethen. Ock so scholden se dem Rade ören tolln bewaren, unde ander dingk, unde dat holden des dages mit dem schlage, also de Radt befolen hedde.

XCIX. Van den, de barchfrede vervvaret uppe den landtvveren.

Ock holt de Radt in der Oldenstadt twene manne uppe den barchfrede up der lantwere, also einen uppe dem Rafftorne, unde einen uppe dem barchfrede to Broitzem. De schült dach unde nacht daruppe vvesen unde darby, unde verwahren, dat nemandt in de lantwere ride edder gae, edder dar uthe der stad to schaden, also forder, dat he dat vvette. Vermodede he seck, dat dar we inne vvere, dede schaden dede, den scholde he hindern mit den singelen unde bömen, edder dat röchtig maken, also he forderft konde; unde scholde dat vortholden, also syn eydt uth vvielset.

C. Van dem Tornemanne to sunte Marten.

Ock holt de Radt in der Oldenstadt einen torneman, de des dages sitte up sunte Martens-tornen, unde vervvaren, effte jenige hovvelide to der stadtwart riden vvolde, edder de

de dat lant unde stadt beschedegen; edder offte he schedelik fuer vernehme in der stadt, dat he dat röchtig make, unde buten de stadt mit to seende vorvware, alse he best konde.

CII. Van dem Vischer in der Oldenstadt.

VOrthmer holt de Radt in der Oldenstadt einen fischer unde lonet öme, de dem Rade schet in ören dicken unde wateren, vven önedes to dondes.

CIII. Van den Steinwegkerers in der Oldenstadt.

VOrthmer holt de Radt in der Oldenstadt veer knechte, unde dat schullen neine wächter wesen, unde lont öne, unde schullen in der Oldenstadt des Rades steinwege, brugge unde market reine maken, unde dat har upladen helpen mit oreme gerede, wan men dat ufoiren well. Ock scholden se punden, amen unde dre wesen, unde scholden dem Rade alle jahr van dem punden to tinsfe geyen einen verding, unde alle ledderen underepen unde keten de se bederven; unde de punde hörem dem Rade. Ock schullen se schvveren ören eydt.

CIV. Van dene, de den langen graven vervvabret.

VOrthmer holdt de Radt in der Oldenstadt unde lonet einem manne, de den langen graven vervvabret, unde darto südt, dat de nicht ingetreden vverde. Unde verneme he vven, de den graven tredede, edder schaden daran dede, dat scholde he dem Rade vermelden,

CV. Van den Herden in der Oldenstadt.

VOrthmer medet de Radt in der Oldenstadt unsen borgern veer herden: twene, de de uth drivet uth dem Petersdore, unde twene, de de uth drivet uth dem Hogendore. Den en lonet de Radt nicht, doch sind se schotes fry. Sunder vve one vordriff, de lonet öne. Unde der herden deinst schall anstaen to Pinxten; unde vvelck örer ock hebben vvolde, de scholde dat dem Rade tovoren upseggen to sunte Martens dage, unde jo twene schullen to sick hebben dre knechte, unde schullen den lüden vorvwaren truvvelcken ore vee, alse sick dat van herdeschop vvegene bören mag.

CVI. Van den bullen unde beren in der Oldenstadt.

VOrthmer holt de Radt in der Oldenstadt unde bekostiget veer bullen unde twene beer, also, dat mit dem herde vor dem Peters dore uthgaen, twene bullen, unde ein beer mit dem herde; unde twene bullen unde ein beer mit dem herde uth dem Hogendore.

CVII. Van dem Marckmester.

VOrthmer holt de Radt in der Oldenstadt einen marckmester, unde kledet dene. De schall dem Rade schweren sinen eydt, unde doen, alse de eydt uth holt.

CVIII. Van dem Eyervogete.

VOrthmer holt de Radt in der Oldenstadt einen Eyervoget, unde lonet den. De schall schweren dem Rade sinen eydt, unde doen, alse de eydt uth holt.

CIX. Van dem Gravemester.

VOrthmer holt de Radt in der Oldenstadt einen gravemester, unde kledet dene. De schall dem Rade graven unde arbeiden umme loen in der lantwere, unde, vvor de Radt dat van ome eschede; unde seen darto, dat sine medecumpane truvvelcken arbeiden vvo se in des Rades arbeide weren.

CX. Van dem Steindecker in der Oldenstadt.

VOrthmer holt de Radt in der Oldenstadt unde lonet einem steindecker. De schall dem Rade decken unde bestiegen umme dachloen, wen de Radt dat van ome eschede, radhuse, vvachhuse, kromen, haken, dore, berchfrede, unde vvat de Radt to bestiegen unde to decken hedde.

XCI. Datt

CXI. Dat gesinde des Rades in dem Hagen.

TO dem ersten holt de Radt im Hagen twene burmestere, unde lonet dene. De schullen doen, alse van den burmestern in der Oldenstadt vorgeschreven is.

Ock holt de Radt im Hagen einen froneboden, de schall doen, alse van dem froneboden in der Oldenstadt vorgeschreven is. Dar en boven schall he vervvaren eine burfchop gelick einem burmester. Ock schall he de deinere verboden, vven se riden schült, dat sy dach edder nacht. Dar gifft ome de Radt einen penning vor.

Ock holt de Radt im Hagen veer vvächter, unde lonet one. De schullen dat holden mit dem wakende, mit dem ummegeande, mit den fürhaken, unde mit dem brode ropende, mit dem over felde gaende, unde mit andern des Rades deinsten, alse van den vvechteren in der Oldenstadt vorgeschreven is.

Vorthmer holt de Radt im Hagen einen wagemester in dem vvaghuse in dem Hagen, de schall doen, alse van den vvagemester in der Oldenstadt vorgeschreven steit.

Vorthmer holt de Radt im Hagen dre manne, unde lonet öne; der des nachtes up jouvvvelckem dore jo ein schlafen schall; alse ein uppe dem binnersten Wende dore, ein uppe dem Vallerfchleveschen dore, unde uppe dem Stein dore. De schulden öre dingk holden, so ore eydt holt.

Vorthmer holt de Radt im Hagen dre dorvverder unde lonet öne: alse einen vor dem Vallerfchleveschen dore. De schullen öre dingk holden, alse van den in der Oldenstadt vorgeschreven is. Ock schall ein juvvvelck sin dor fluten.

Vorthmer holt de Radt im Hagen twene manne up den berchfreden up der lantwere, unde lonet one: alse einen up der lantwere to Rudem, den andern uppe dem bergfride to Giesmerode. De schult doen, alse van dene, dede up den lantweren syn in der Oldenstadt, vorgeschreven is.

Ock holt de Radt im Hagen einen torneman uppe sunte Catherinen torne, de schall doen, alse van den tornemanne up sunte Martens torne vorgeschreven is.

Vorthmer holt de Radt im Hagen einen fischer, unde lonet ome, de öne fischer in örem dicken unde vvatern, vven one des to doende is.

Vorthmer medet de Radt im Hagen twene herde, de schullen hebben veer knechte. Dene en lonet de Radt nicht, sunder vve öne vordriff: de schült ör donent holden, alse van den herden in der Oldenstadt vorgeschreven is.

Ock holt de Radt im Hagen unde bekostiget twene bullen uude einen beer, de mit den herden uthgaen.

Ock scholde de Radt im Hagen holden einem eygervoget, de schall doen uppe dem Hagenmarckede, unde uppe sunte Catherinen kerckhove, alse de Eygervoget in der Oldenstadt deyt, unde alse de eydt uthvvieset.

CXII. Dut is dat gesinde des Rades in der Nienstadt.

TO dem ersten holt de Radt in der Nigenstadt twene burmestere, unde lonet dene. De schullen doen, alse van den burmestern in der Oldenstadt vorgeschreven is.

Ock holt de Radt in der Nigenstadt einen froneboden unde lonet dem. De schall doen, alse van den froneboden in der Oldenstadt vorgeschreven is. Dar en boven schall he vervvaren eine burfchop lick einem burmester.

Vort holt de Radt in der Nigenstadt twene wächtere unde lonet dene. De schült vvaken unde doen, alse van den wächtern im Hagen vor beröret is.

Vorthmer holt de Radt in der Nigenstadt einen, de den torne to Olber vervvaret unde de lantwere, unde lonet deme. De schall doen, alse van der lantvverwarders in der Oldenstadt vorgeschreven is.

Ock holt de Radt in der Nigenstadt einen man, de des nachtes uppe dem binnersten Nigenstadtdore slept, unde lonet öme. De schall schweren unde doen, alse van dene, de uppe dem dore schlafen in der Oldenstadt, vorgeschreven is. Vort holt de Radt in der Nigenstadt einen dorvverder vor dem butersten Nigenstadtdore; de schall doen, alse van den dorvverderen in der Oldenstadt vorgeschreven is.

Vorthmer holt de Radt in der Nigenstadt einen wagemester, in dem waghuse in der Nigenstadt. De schall doen, alse van dem wagemester in Oldenstadt vorgeschreven is.

Vorthmer medet de Radt in der Nigenstadt twe herde, de dat vee vorvwaren unde uthdriven in der Nigenstadt, unde in dem Sacke. De schult hebben veer knechte. Dene en lonet de Radt nicht, sunder dejenne, de one vordrivet, unde de schult dat holden, alse van den herden in der Oldenstadt vorgeschreven is.

Ock holt de Radt in der Nigenstadt twey bullen unde einen beer, de mit den herden uthgaen. Wat dat kostet, dat deyt de Radt in der Nigenstadt twey deyl, unde de Radt in dem Sacke ock tvvey deil.

O o o

CXIII.

CXIII. Dut is dat gefinde des Rades in der Oldenwvigk.

TO dem ersten holt de Radt in der Oldenwick einen burmester unde lonet deme. De schall doen, alse van den burmesteren in der Oldenstadt vor geschreven is.

Ock holt de Radt in der Oldenwigk einen froneboden, unde lonet dem. De schall doen, alse van dem froneboden in der Oldenstadt vor geschreven is. Darboven schall he vwaren eine burfchop, lick einem burmester.

Vorthmer holt de Radt in der Oldenwvigk veer wechtere, unde lonet dene. De schullen waken, unde doen, alse van den wechtern im Hagen vorgeschreven is.

Vorthmer holt de Radt twene doerwerder: einen vor sunte Magnes dore, unde einen up sunte Egidiendore, unde lonet dene. De schullet doen, alse van den dorwerderen in der Oldenstadt vor geschreven is.

Ock holt de Radt in der Oldenwvigk twene edder einen man, de uppe den binnersten doren slapen: alse einen uppe sunte Egidien dore, deme lonet de Radt nicht, unde einen up sunte Magnes dore, dem lonet de Radt nicht. Unde de schult doen alse van den, de uppe den doren in der Oldenstadt slapet, vor geschreven is.

Ock holt de Radt in der Oldenwvigk einen fischer, unde lonet dem; de one fischer in örem watern.

Vorthmer holt de Radt in der Oldenwvigk einen man up dem berchfrede to Schepensfede, de den berchfrede unde lantvvere vwaren schall, unde doen, alse vanden in der Oldenstadt vor geschreven is.

Ock medet de Radt in der Oldenwvigk twene herden, de der lude vee in der Oldenwick vorvaret. De en lonet de Radt nicht, sündet de jenne, de one vordriven. Unde se schullen hebben twene knechte to feck, unde doen, alse van den herden in der Oldenstadt vor geschreven is.

CXIV. Dut is dat gefinde des Rades im Sacke.

TO dem ersten holt de Radt in dem Sacke einen burmester, unde lonet deme. Unde de schall doen, alse van den burmestern in der Oldenstadt vor geschreven is.

Ock holt de Radt im Sacke einen froneboden, unde lonet dem. De schall doen, alse van dem froneboden in der Oldenstadt vor geschreven is. Dar en boven schall he vwaren eine burfchop, lick einen burmester.

Vorth holt de Radt in dem Sacke twene wächter, unde lonet dene. De scullet vwaren unde doen, alse van den wächtern in dem Hagen vor geschreven is. Unde se schullet vwaren vwaterdregers darto in dem Sacke, unde anders neimandt: effte de Radt sick des also mit öne verdröge.

Vorthmer holt de Radt in dem Sacke einen man up dem berchfrede to Runingen, unde lont deme. Unde de schall doen, alse van den lantwere. vvarers in der Oldenstadt vor geschreven is.

CXV. Van der heymelken rekenschop to lesende.

ALse vor schreven is, vvu me den Radt settet, unde de Radt vort settet de ammechte unde gefinde: So is hirna geschreven, vvat de Radt doen schall dat jar over, up bescheidene sünderlike tyden. Tom ersten schall me vveten, dat de Radt schall lesen laten ein bock, dat heth de heymelke rekenschop, binnen den ersten veer wekene na twölfften des jares, alse de drevolde Radt gefatt is: dat is jo umme dat dritte jar. Unde in dem boke is geschreven, wu de Radt unde de stad to Brunswich to einer tydt seer nedderfällig unde unstadthaffig vvorden vvas, unde mit vvat vwise dat se dar weder uth quam. Unde to dem boke schall men verboden to lesende de eldesten uth dem Rade unde Radtschvvoren, alse dat prohemium dessulven bokes uthwifet.

CXVI. Wann de seven Büdelheren rekenen schüldt.

VOrthmer schullen de sevene, de den meinen büdel verwaret uppe der smeden, rekenen dem meinen Rade, alse de eldesten, de in de koken plegen to gaende in der Nigenstadt; van upnahme unde uthgiff des, dat se gehandelt hebben, van des meinen büdels wegen. Unde düsse rekenschop schullet se doen na tvvolfften by des nien Rades tyden, van deme vorgangenen jare, dorch düssen vvillen, vvente se hebben denne entfangen unde uthgegeben, unde ingeschreven alle, dat van dem vullen jare dem Rade vverden möchte. Ock schall de meine Radt, de denne by der rekenschop is, to dersulven tydt bespreken, vvenne se hering schencken vvillen tygen de tokomenden vasten, edder lesse; unde befehlen dat vve-me, dede sick darnede bearbeyde, dar de hering unde lesse gekofft vverden also tydigen, dat

me des kiste, hebben möchte, dat id jo gudt sy unde * versch, vvat de Radt vorschrecken
vvalde.

CXVII. Van den Kunstavelen to settende.

VOrthmer vertein nacht vor luttēken vastelavendēs dage, edder darby, plegt ein juvelck
Radt up sinem Wickbelde de kunstavel to settende unde to bittende, de dat bekostigen
unde vorhegen, dat de lude uppe dem radthuse dantzen, unde guden hogen syn, der
stadt to erbarheit, also de vvonheit is, unde upp juvelkem Wickbelde plegt to vvelende.
De Radt in der Oldenstadt biddet tvvene uth orem sittende Rade, unde teyn uthe der Olden-
stadt dartho, de öne düncket, dat se dat billiken doen mögen, darumme, dat se unde öre
husfruvven plegen up dat huse tom dantze to gaende. De vorschreven tvvolffe vorstaen der
kunstavelie uppe deme huse in der Oldenstadt, van örer egen kosten, unde de Radt biddet se,
dat se de koste metlick maken, unde neine overmetige teringe doen, men alle dat oldinges
vvas; up dat de jenne, de de Radt darto biddet, seck dar nicht svvar to maken: unde de
de Radt suth gerne, dat de jenne, de van des Rades vvegen kunstavel syn, dat also bespreken
mit oren cumpanen, dat de koste mettlick vverde.

CXVIII. Van häringe, leszen, unde mandeln to vorschren- ckende buthen der stadt.

VOrthmer vertein nacht edder dre vvecken vor der vasten schall de Radt einem juvel-
kem, dem se heringe schencken vwillen, dat vvitlick doen, vvu vele se öne schencken
vwillen; dat se den mögen halen lathen, vven se vwillen. Ock versendet de Radt un-
dervvilen lesse, edder mandeln. De vorvoret ore eigene bode, edder örer geschi-
ckeden vvelck, vveime de Radt dat befehlet.

CXIX. Van geschencke up den guden donnersdag in der Oldenstadt.

VOrthmer is ein vvonheit, dat de Radt in der Oldenstadt alle jahr fischen leth in der Palm
vveken, edder darby; unde sendet, de in dem Rade syn, unde den, de in de köken
plegen to gaende, fische, einem juvelckem; unde ein halff stöveken vvyens up den
guden donnersdag.

CXX. Van dem Echtendinge tokundigende

VOrthmer in der vveken na dem sondage, also me singet Quasimodogeniti, schall de
Radt kundigen lathen dat Echtending des mandages in der Oldenstadt, des dinstages in
dem Hagen, des mittwekens in der Nigenstadt, des donnerdages in der Oldenvvick
unde in dem Sacke. Deme so schall men aldüs doen. In vvelkem Wickbelde men
kundigen vvel, so schall men to storme lüden lathen negen vverve, up dat dat volck kame vor
dat Radthus: ane in dem Sacke lüdt men nicht, sänder de burmeister unde fronebode segget
umme, dat se kamen to dem Echtendinge. Wenn dat geschein is, so let de Radt des Wick-
beldes, dar me kundigen schall, ein richte hegen, De Vögede unde de froneboden de vverft
van des Rades wegene, dat de gemeinen börgere, de dar sin gegang in de achte, unde segt
ön, unde eschet in gerichte van öne van des Rades wegen: vveret, dat jemandt were, de
wat vvußte, dat vvedder de Herschop vvere to Brunsvvick, vvedder den Radt, vvedder de
gilde, edder vvedder de gantzen meinheit; dat he dat dem Rade meldede, also he dem Ra-
de plichtich vvere. Wert den dem Rade vvat gemeldet, dar provet de Radt up. Wen dat
geschein is, segt de Borgermeister to den Vögeden: de Radt de dancket juck des, dat gy un-
ser börgere gnädige richter sind gevesen, unde biddet vordan, dat gy öre richter vorder syn.
Darna geit de Radt up de lövene, unde der Borgermeister segt to dem volcke van der lövene
aldüs: gy frome lude; de Radt vvel juck kundigen lathen dat Echtendingk, dar schall malck
na hören; up dat malck vverthe, vvat he doen unde lathen möge, unde uppe dat malck vor
schaden, unde vor bröken seck vorvwaren möge. Darna list den de schriver dat Echtending.

CXXI. Van der Barvöten Afflates dage.

VOrthmer des sondages, also me singet vocem jucunditatis, so is der Barvöten bröder
kerckwiginge. So hefft de Radt eine vvonheit, unde en is doch nein recht, dat se
senden unde schencken den Heren to den Barvöten bröderen twe stöveken wins, des
midda-

O o o 2

* frisch.

middages, devvile se over der maltidt sitten. Unde des wines plegt nicht mer, vven II. stöcken tovvelende; effte me den hier hebben kan.

Van des hilligen Lichammes procesfien.

VOrthmer schall me vveten, dat de stadt to Lüneborg mit velen Heren vyende vveren; Hartogen Frederike, Hartogen Berendt, Hartogen Hinrick to Brunfwick unde Lüneborg; unde vveren allmeistig mechtich der schlöte in deme Lande to Lüneborg, ane Zelle unde Winsen: unde Zelle vvolden se ock vor buwen. Des gaff Godt ein lücke, dat Hertoge Frederick unde Hartoge Hinrick mit ören hülpern, unde mit der stadt to Brunfwick vor Winsen up der Allreden van Lüneborg einen stryt affwunnen; vvoll by D. gewapener guder lude, de dar midde gefangen worden: de Bischof van Minden, Greve Otto van der Höye, unde de Greve van Schomborg, de mit den ören alle geschattet vvorden; also dat de Heren van Brunfwick midde mechtich vvorden des gantzen landes to Lüneborg. Die schach na Godes bordt XIII. In dem LXXXVIII. * jahre, in des hilligen Lichammes dage. Hierumme, dat Godt de gnade gaff up den dag: So vvorden de vrogenannten Heren, alle Hartoge Frederick, unde Hartoge Hinrick, unde de Radt to Brunfwick des enig, dat se vvolden to evvigen tyden, dem hilligen Lichamme to love unde to ehren, alle jahr eine procesfien loffliken unde erliken, van der papheit unde van dem meinen volcke, mit sinen, mit lechten gaen lathen, den hilligen Licham to dragende, uth der kercken to sunte Blasie vvente in de kercken up den berch sunte Cyriacus, unde wedder to sunte Blasie. Unde de gantze papheit schall dar singen eine missen van dem hilligen Lichamme, gelyck den högften festen. Unde to der procesfien is ock sunderlick afflat gevvorven van deme hovede to Rome.

In deme stryde weren mede de van Steinberge, unde Herr Hans van Schwichelde. De hadden gefangen sitten to Bodenborg Hartogen Berent: unde desulven van Steinberge unde Schwichelde hülpen den stritt vvinnen, unde schatteden de Greven van Schomborg to ordeile, ock darfulvest to Bodenborg.

Unde duffe vorschreven procesfie schall me alldüs bestellen: de Heren van Brunfwick unde Lüneborch schullen dat bestellen mit örem Capellanen, alle mit den Heren to sunte Egidien, mit den Heren in der Borch, unde mit den Heren up sunte Cyriacus berge, unde de Heren to sunte Johanse, dat se de procesfien gaen; unde de Radt in der Oldenstadt schal bidden lathen den perner to sunte Peter unde to sunte Michaelle, dat se unde öre Capellane de procesfien mede gaen vvillen. Ock schullen se dar to bidden lathen de Heren to den Barvorten. Vortmer schullen se by einem burmeister öre bylegene Capellane, edder ore officianten bidden, dat se mit der procesfien gaen. Des geliken schall de Radt in dem Hagen dat bestellen to biddende den perner to sunte Catherinen mit sinen Capellanen, edder ören officianten. De Radt in der Nigenstadt schall des geliken doen by dem perner to sunte Andrees unde sinen Capellanen. De Radt in der Oldenvvick schall bidden den perner to sunte Magnese unde sine Capellane unde ore belegene Capellane: de Radt in dem Sacke den perner to sunte Olike mit sinen Capellanen, unde ock belegene Capellane.

Vorthmer schall ein juvvelck Radt in sinem Wickbelde bestellen, mit den gilden unde mit den bröderschoppen, de de lechte holden; dat se de lechte mit procesfien dregen lathen unde de, vor gerörden missen over, bernen lathen. Vorthmer is dat vvoll gefallen underwilen, dat de jennen, de de lechte dragen, schelhaftig vveren. Hierumme hefft de Radt geat duffen orden de lechte to dragen:

To dem ersten schullen, de dem hilligen Lichamme negeft gaen, de florerede lechte edder lüchten dragen, se lyn uthe wat gilden dat se syn. Na den florerden lechten schullen folgen de Koep lude unde der Multer: der Wandtschnider lechte aver Oldenstadt; alle dat magenth one de ersten syn de uthe der Oldenstadt, darna uthe dem Hagen &c. darnegeft de Wesler lechte, darnegeft de Goldschmede, darnegeft de Cramer, darnegeft de Lakemaker, darnegeft de Knochenhauer, darnegeft de Garver, darnegeft de Schomaker, darnegeft de Becker darna de Beckenvvercker, darna de Schröder, darnegeft de Smede, darna de Mestwarken, darnegeft de Linevvever, darnegeft de Hoetwarken, darnegeft de Kalandes lechte to sunte Gerdrude, darna de Calandes to sunte Magnese, darna de Calandes to sunte Peter, darna de uth der broderschop to sunte Michaelle, darna uth unser leven Frouwen gilde, darnegeft de uthe der dreier gilde, darnegeft der Mölre lechte, darna der Stövere.

CXXII. Van dem gesinde to lonende uppe Pingesten.

VOrthmer up Pingesten schall ein juvvelck Radt up sinem Wickbelde, unde de seven, de den gemeinen büdel vorwaren, up der smeden, lonen ein juvvelck, dem gesinde na der

* 1388.

der vviſe, alſe dat begrepen is. Unde up deſulven tydt ſchollen de Jodden ock uthgeven oren ſchott, dat ſe dem meinen Rade geven; unde antworten dat den ſeven uppe de ſchmeden, up dat ſe dat to hülpe hebben to dem lone.

CXXIII. Van der fruwven geſchencke, vwann ſe umme krüde gaen.

Desmittwekens in den Pingſten is ein vvonheit: uth den jungen fruwven in der Oldenſtadt plegen umme krüde to gaen; unde des avendes, wen ſe toſamende ſyn, ſo ſendet unde ſchencket den jungen fruwven de Radt twe ſtöveken vvines, effte ſe tohope ſint. Düt is ein vvonheit unde doch nein plicht. Ock deit me dut in der Oldenſtadt alleine. Düt ſchall me nicht verhögen.

CXXIV. Wann me mit ſunte Auctoris ſarcke umme de ſtadt geidt.

Orthmer des frydages vor ſunte Johannes dage Baptiſten, geit me alle umme de ſtadt mit ſunte Auctoris ſarcke. Dat hebben eindrechtliken geſat de papheit unde de Radt dorch ſunderlike gnade unde beſcherminge vvillen, de ſunte Auctor, der gantzen ſtadt hoveth, der ſtadt in mannigen nöden hefft van unſem Heren Godde beholden; Alſe dat vermiddelt mannigen openbaren Goddes tekenen vvitlick gevorden is in vortyden. Hierumme ſchall me Codde beiden de ere, vermiddelt dem hilligedome ſunte Auctoris, dat me drecht mit der processien der gantzen papheit, mit crützen unde mit lechten all umme de ſtadt; up dat de hillige Here ſunte Auctor by Codde vort vorvvarve gnade unde beſcherminge der ſtadt Brunſvick in allen oren nöden. To dūſſer processien en darff de Radt nicht ſunderliken bidden lathen de Heren to ſunte Egidien, in der borch, unde up ſunte Cypriacus berge: wente ſe des in vortyden einig gevorden ſynt mit dem Rade. Sunder de Rade in jovvelkem Wickbelde ſchullen öre perners, mōneken unde papen unde Capellanen bidden lathen, unde dat holden mit, unde dat holden mit den lechten in der vviſe, alſe vvorſchreven is to der processien des achten dages, na des hilligen Lichammes dage. Sunder de wonheit is, dat de Radt in der Oldenvvick biddet de Heren to ſunte Egidien, umme dat ſarck to lenende mit dem Hilligedome, dat dar plecht inne towefende. Unde denen lenet de Heren to ſunte Egidien: dar one dat hilligedom unde de ſarcke vvedder vverden ſchall. Unde de uthe der Oldenſtadt dregen den ſarck mit deme hilligedome umme de ſtadt, unde bringen one vvedder in dat muſter to ſunte Egidien. Unde wenne me geit aldus umme de ſtadt, ſo leſet de Heren van ſunte Egidien veer Evangelia in veer enden der ſtadt vor veer doren.

CXXV. VVu men under ſunden de vvachte ſtarcken ſchall, unde der ſtadt dore bevvarhen.

Orthmer uppe ſunte Peters unde ſunte Pauwels avent unde dach, wen de Lutterſche var t is, unde ock, wuſeck de Radt vormodede, dat vele fromeder hovelüde unde volkes in de ſtadt komen vvolve: ſo ſcholden ein jovvelck Radt in ſinem Wickbelde beſtellen, dat de dore verwaret vverden, mit lüden daruppe to ſchlapende, unde mit lüden darvore to ſittende, des dages mit oren wapende, vorder, wen up eine ander tydt. Düt ſcholden ſe beſtellen darna, alſe one bedüchte dorch ſeckericheit vvillen, dat des behoeff were. Ock ſcholden ſe deſulven tydt over de wachte des nachtes up den ſtraten ſtercken mit unſen bōrgeren, up dat malck vor ungefoege möge vorvvarhet vverden.

CXXVI. Van der Hagelſpende to gevende.

Orthmer hefft de Radt gelovet to gevende van der ſtadt gude, in de ere Goddes, armen lüden eine ſpende des fridages jo vor ſunte Margareten dage alle jar, up dat Godt de gnade geve, dat de frucht uppe dem felde den lüden in kome, ane hagels not unde ane wēders nodt, unde heth de hagelſpende. Dūſſe ſpende ſchall me geven in allem Wickbelden van der Cämmerie up eine tyt to lieke, alſe wen me darto lut de groten kloeken to ſunte Marten.

CXXVII. Wu men de lude in de erne driven ſchall.

Orthmer tegen ſunte Margareten dage unde de erne over, befelet de Radt deme hēgere, dat he de lude, de umme brodt gaen, van der ſtrate drive, to arbeitende up der erne: up dat de lude uppe de tyt der arbeitēslude nein hinder en ſy in der ernē. Doch en ſchall he neimande ſchedelick ſchlan. Ock en ſchall he neine gave nehmen darvore, dat he den einen bliven lathe, unde den andern nicht.

CXXVIII. Wunnen sunte Auētoris dag begaen schall.

VOrthmer schall me vveten, dat de gemeine Radt unde de gemeine bürger gelovet hebben over langen tyden, Godde unde den hilligen Heren sunte Auētor sunderliken er to bedende, umme sunderlike nodt, dar se Godt, vormiddelst bede sunte Auētor, van erlöset hefft. Hierumme unde dorch hulpe Goddes unde sunte Auētoris in tokamenden tyden is des enig gevurden mit der meinen papheit, dat me dat fest sunte Auētoris begien schall als ein summum Festum, unde singen uppe den orgelen in allen kercken over all de Stadt. Darto so hefft de Radt gelavet to offerende alle jar viiff erlike vvaslechte to sunte Egidien, vor deme hilligedome to sunte Auētor to bernende, in den högesten festen; de me dar in einer procesfien alle jar bringen schall: Alse uth jovvelckem Wickbelde ein lecht. Unde duffe procesfien schullen gaen de gemeine papheit over all de Stadt, unde dat neine * volck darvon. Unde vor dat fest to begaende hefft de Radt gegeben unde gemaket in den richten den Heren sunderlike Consolatiō darto uth oren Cāmerien. Hierum darff de Radt se sunderliken nicht bidden lathen to der procesfien, sundern ein juvvelck Radt schall sine belegene Capellane te beden by einem burmeister, dat se mede in der procesfien syn. Ock schall dat meine volck den sulven dag sunte Auētor vieren, unde sunderlick de gilden mit orem ammechte. We viere bröke, de scholde deme Rade viiff schilling geven to bröke.

CXXIX. Wunnen de nigen penninge kundet.

VOrthmer in sunte Egidien avende leth de Radt kundigen de nige penning. Unde wenne me dat doen vvel, so leth de Radt drye lüden to storme in der Oldenstadt, uppe dar de lüde kamen vor dat Radthus. Unde de Burgermeister segt to dem volcke aldus: Ge fromen lüde, de schriver schall juck verkundigen, vvu men dat holden schal umme de nigen penninge: dot höret na. So kundiget de schriver aldus: To sunte Egidien dage so schall de nigen penninge uthgaen, als ein vvonheit is. Dar schall me to backen unde to bruven. Der nigen penninge schall me geven XXIX. schill. IV. S vor de marck, unde nicht myn; sunder mer mag meder vvol geven unde nemen.

CXXX. VVunnen spende geven schall vor dem steruen.

VOrthmer schall men vveten, dat ein groth starvent vvas na Goddes bort XIII. dema in deme vvestigsten jare, ** also dat vele volckes starff in der pestilenzien, dat der Stadt groten schaden dede. Up dat sine gnade der Stadt to kerde, so vvat de gemeine Radt enig, dat se vvolden alle jar spende geven armen lüden up allen Wickbelden uth oren Cāmerien, des frydages negt vor des hilligen Cruces dage, als it verhaven vvat. We dar syne almese to senden unde geven vvel, de mag dat doen. Duffe spende schall me geven tolike an, in allen Wickbelden, wen men dar to luth de groten klokken to sunte Marten.

CXXXI. Wunnen des hilligen Crutzes fest begaen schall.

Dorch duffes vorschreven stervens willen, unde up dat Godt behodde de Stadt unde dat volck gemeinlick vor anderen nöden: So is de Radt enig gevurden mit der papheit dat me dat fest des hilligen Crutzes, als idt vorhaven vvat, van des Rades unde der Stadt wegene begaen schall mit idtlichen sungen, unde up den orlegen to singende in allen kercken lick andern groten festen. Dar hefft de Radt Consolatiō to gemaket den stichten; unde dem parner giff ein juvvelck Radt in synem Wickbelde der Consolatiō to uth orer Cemmerie. Ock schall dat volck duffen dag vieren, unde sunderlick de gilden mit orem hantwercke. We dar vorbröke, de scholde dem Rade viiff schilling geven. Wente van bodes vvegen des Rades schall me vieren.

CXXXII. Van dem lesten dinge noch eins to kundigende.

VOrthmer in der ersten weken na sunte Michaelis dage alle jar schall de Radt dat Echeding kundigen lathen, unde schall me dat holden mit lüdende unde mit den richten kundigen in den Wickbelde, als vorschreven is, des mandages na Quasimodogeniti.

CXXXIII.

* f. meine volck, vulgus ** 1350.

CXXXIII. *VVan me to dem Schote schriben schall.*

VOrthmer in der andern vveken na sunte Michaelis dage schall ein jovvelck Radt uppe sinem Wickbelde bestellen mit den schribern unde mit den burmestern, dat se schriben dat schottbock: unde dat de burmester umme fragen unde umme seen, wur de lude uth unde in togen: unde vve hufen mit sick inne hebben; uppe dat se jo deste beth weten, vven me to dem schote schriben schulle. Unde de schriver schall sine dinge doen alldus: To dem ersten schall he schriben ein schottbock, dar he in schrive de namen alle der, de to dem schote öme meldet vverden. Unde, vven de lude to dem schote schweren, vve to fullem schote schweret, dar schall he by schriben; juravit. Unde vvr ein vor dem anderen schwöre, alse de in dem samenden gude weren, edder van frundtschop: dat schall he ock tekenen, vvelker vor den andern schweret, unde mit vvuvele vorschoten. We ock schreter, dat he nicht hefft drier marck vverth gudes, dat schall he beteken alldus, unde schriben vore an, vvat he geven schall. Ock so schall he maken eine quaterne, dar he in schrive den tyns, degemeldet vvert, de unse borger geven van gude, dat to Wickbeldes rechte ligt anders vve, vven dem Rade unde unsen börgern unde borgerichen; uppe dat de Rade dat schot darvan eschen möge. Ock schall he schriben in dat schottbock, vvr malck vormünder to is, unde vve malck sin schott gegeben hefft: so schall he denen uthschriben, up dat men vvethe, vven me to dem nachote verboden schulle.

CXXXIV. *VVan me to dem schote Schwveret.*

VOrthmer de Rade unde Radtschworen, unde de lude, de de schottbar syn in der Oldenstadt, de schullen betengen to deme schote to schwerende des mandages, dede kumpt veer vveken vor dem ersten mandage na sunte Martens dage; de in dem Hagen des ersten dinsdages darna, in der Nigenstadt des ersten midwekens, darna in der Oldenvyigk, unde in dem Sacke des ersten donnerstages darnegeft: unde up vvelckem Wickbelde, dar me schweren schall, dat schall me alldus handelen. Des morgens schall me verboden up dat radthues Rade unde Radtschworn des Wickbeldes, dar me schweren schall, unde senden jo twene uth orem Rade; de schullen dar by vvesen, vven de jenne schweren up dem Wickbelde, de dar in dem Rade sint. Unde vve dar kumpt van des Rades wegen in dem Hagen, de schall den Radtheren in der Oldenstadt den eydt stauen; unde vve dar kumpt van des Rades wegen in der Oldenstadt in de andern veer Wickbelde, de schall dem Radtheren in den Wickbelden den eydt stauen. Unde den eydt schall me stauen, alse des de Rade einig vvere, uppe jovvelckem Wickbelde, alse feck dat borde na örem schotel eyde. Wenn de Radtheren up einem Wickbelde aldus gefworen hebben, deffulven morgens schall de Rade des Wickbeldes, de de sworn hefft, den silven eydt vort stauen, alse se vor geschworen hedden. Darna deffulven dages na middage schall de Rade des Wickbeldes verboden de lude, de schottbar syn in dem Wickbelde, up dat Radthus mit der klokken unde mit boden, unde stauen one den silven eydt. Were dar we mede, de upp de schotel tydt nicht to hies wesen wolde, deme möcht men den eydt stauen up eyn ander tydt, vor der schoteltydt sin schott to gevende. VOrthmer en wolde de Rade to male nicht up dat Radthues gaen, den liden den eydt stauen: So möchte de Rade dat beselen twen edder dren, de des warende, alse de Cämmerer, unde we öne duchre dar gutt to wefende. Düt schall men alldus holden, den liden den schotel eydt to stauende, unde des to warende de ersten vertein dage over van den veer weken vor der schoteltyt: wente unse borger unde borgerichen, de to ören jaren komen syn, unde de hier hus sittende sindt, de me binnen der stadt hebben mag, schullen jo binnen den ersten vorgeschreven vertein nachten to dem schote schweren, by einem inleger. Ock schall me dat vort holden mit deme schote to forderende, alse de Rade unde Radtschworen des einig geworden syn, und alse ör eydt uth holdt.

CXXXV. *VVumen dat schall holden umme de, de nicht inhemisch syn, vwann de to dem schote svveren.*

Ock schall me weten. Weret, dat dar wol were, de nicht to hies en wehre by einem den vor gerörden vertein nachten, edder dene me nicht hebben möchte, dat he to dem schote schwöre binnen der tydt, dene scholde me doch to dem schote schweren lathen, alse me ersten möchte: dat were vor der schotel tydt edder darna. Doch schall me dat foigen, alse men best kan, dat unse borger unde borgerichen, unde ock andere inwoner unde inwohnerichen, de des schotes plichtig syn, ore schot geven uppe de rechten schotel tydt; up dat de Rade deste beth doen möge, wat se van dem schote doen schullen.

CXXXVI. *Van*

CXXXVI. Van wine to schenkende buthen de stadt, in effte up sunte Martens dag.

VOrthmer tygen sunte Martens avent, achte dage tovoeren, schüllen de eldesten van dem meinen Rade, de in de köken plegen to gaende, darum spreken, wen de Radt wyn schencken lathen wil van uthwendigen lüden; unde, wat se malckem senden willen, dat schall de Radt en beden by ören boden denn, denen se wat senden willen, also tydigen tovoeren, dat malck syn deil möge halen lathen, wen he wille. Doch schall me wethen, dat de Radt nemende plichtich is to sendende; sündler, wen se wat senden, dat doen se van guden willen, daru alse se mit dem Rade frundtliken ane sitten.

CXXXVII. Van wine to schenckende dem Rade up sunte Martens avendt.

VOrthmer in sunte Martens avende schencket de Radt in der Oldenstadt, im Hagen, in der Nigenstadt unde in dem Sacke einen jowelken, de in dem sittenden Rade is, unde dem de in de köken plegen to gaende, ein halff stöveken wines, unde den Borgermeistern ein ganz stöveken, dat lopt sich in der Oldenstadt up XIII. stöveken, in dem Hagen up XII. stöveken, in der Nigenstadt up VIII. stöveken, in dem Rade up III. stöveken.

CXXXVIII. Van de schoteltydt is, wu me dat denne umme schotendt holden schall.

VOrthmer schall me wethen, dat de schotel tydt der uth der Oldenstadt is des ersten mades na sunte Martensdage. De uth dem Hagen schotet des dinsdages daru, de uth der Nigenstadt des midwekens darnegst, de uth der Oldenwick unde uth dem Sacke des donnerdages daru; unde uppe welckem Wickbelde, dat me schoten schall, dar schullen de Rede unde de anderen Wickbelde jo twene senden uthe dem Rade, de dat vorschot upgeben. Ock so schall de Radt dar sesse to setten uth dem Rade, edder den Tosworen, de by dem rechten toschote sitten: alse twene uthe der Oldenstadt, unde einen uthe dem Hagen, einen uthe der Nigenstadt einen uthe der Oldenwick, einen uthe dem Sacke; sunder wen me schotet in der Oldenwick, unde in dem Sacke, so schullen sich düsse sesse delen: alse dat dre in der Oldenwick, unde dre in dem Sacke. Ock dorven de uth der Oldenwick in dem Sacke nemande senden, efft se dat lathen wilt, by ör schott; unde des geliken de wedder uthe dem Sacke, by dat schott in der Oldenwick. Doch mögen se alle beide örer cumpane en beren van örem hus to der tydt, so süth de Radt levest, dat se jo uth allen Wickbelden darby sin, wu me schoten schall. Unde, we by dem rechten schote sitt, de schall dar acht up hebben, wu ein jowelek to schote giff, na siner legenheit, unde holden dat hemeliken, wat se hirvan erfahren. Unde misdüchte öne an weme, dat he unrecht schotete, so scholden se dat schott befunderen leggen, unde dat dem Rade verstan lathen heimeliken, dat se darup reden. Unde we dar kumpt up ein Wickbelde, dar me schoret, den schall de Radt des Wickbeldes van örer Cämmerie kosten bereden lathen, dat se den dag over dar by dem schote bliven mögen. VOrthmer, wen dat schot gegeben is, des avendes schullen de jenne, de by dem schote geseten hebben, dat schott tellen unde upvegen: vorschott befundern unde dat ander schott befundern in jovelckem Wickbelde; unde bringen dat uppe de muntschmede in des stes unde de schottböke mede.

CXXXIX. Van einer Quaternen to schriben de van dene, den de Radt tinspflichtich is van schote.

VOrthmer des dinstedages edder des midtwekens daru, alse in der Oldenstadt geschotet is, so schall de Radt schriben lathen eine Quaternen, darinne staen alle dejenne, die dem Radt tyns giff van deme schote, unde wu vele ein jovelck hebben schall, na uthveginge der register; dat sy lieffucht edder vvedderschatt.

CXL. Wu den Radt den tyns giff van schote.

VOrthmer des negeften frydages daru, alse in der Oldenwick unde in dem Sacke geschotet is: So verbodet de Radt alle dejennen, den se tynspflichtich syn van dem schote uppe de muntschmede, also forder, dat me se hebben möge, unde giff öne ören tyns: unde mit wveme de Radt dat hebben kan, dat he penninge nehme, edder halve penninge, unde half fulver vor synen tyns, dat mag de Radt mit öme tovoeren overspreken; up dat de penninge, de

dem Rade sindt to schote vvorden, vvedder manckt de lüde komen. We aver jo neine penninge nemen vvolve dem scholde de Radt geven, also syne breve, de he van dem uptinssse hedde, inhelden, up dat de Radt by loven blive, unde örem breve vull doe. Unde vvat dar van gelde bleve boven den tyns, dat schall de Radt antvvorden den seven Büdelheren up der smede dat se dat darmede holden, also öne de Radt befolen hefft.

CXLI. Van lonende des Rades gesinde up Martini.

VOrthmer des sunnavendes edder des mandages darna, also den lüden öre tyns gegeben is, schullen de seven Büdelheren vorboden lathen uppe de smede alle des meinen Rades denere, den de meine Radt plecht to lonende; unde geven malckem, vvat ome boren mag. Unde vveret, dat dar vve vvere, de dem Rade vvat to borge dan hadde, an gelde, an perden, edder an anderen dingen, dat scholden se deme ock betalen; Also forder, dat se dat van des Rades unde der stadt guede hedden.

CXLII. Wann me reken schall van Mölenvarcke, van Mölensteinen, van Marstalle unde Landtverren.

VOrthmer tvvischen sunte Catherinen dage unde sunte Andreas dage schall de Radt vorboden de eldesten uth dem Rade, unde uth den Radtschvvoren; also dejenne de in de köken plegen to gaende, unde vve öne dar nütte to vvesen düncket, up dat radthus in der Nigenstadt, edder in de kökene. Vor dene schall me rekenen van allem mölenvvercken, van mölensteinen, van dem marstalle unde van den landtverren, unde dat schullen doen dejenne, de dit vorstan hebben van des Rades vvegene dat jahr over.

CXLIII. Wann me reken schall van Teygelhusen, Nottberge unde Lindtberge.

VOrthmer des negeften dages na sunte Andreas schullen reken dejenne, de vorstan hebben dat jahr over van des Rades vvegene de teygelhuse, den Nottberg unde den Lindtberg, ock vor de oldesten, de in de koken plegen to gaende unde vor dene, de dem Rade dar nütte düncket by vvelen, up dem Nigenstadt huse, edder in der köken.

CXLIV. Wumen de Schoeduvele kundiget.

VOrthmer is hier ein vvonheit, dat de jungen lüde plegen to hebbende eine cumpanie, also dat se lopen Schoduvel in den hilligen dagen to Winachten. Hierumme schall de Radt tovoren in des hilligen Carltes avende drye strome lüden lathen in der Oldenstadt, unde kundigen van der lövene aldüs. De Borgermester secht: gy fromen lüde, de schriver schall ju kundigen, vvu de schoeduvel ore dingk holden schullen, dar möge gy na hören. So kundiget de schriver aldüs: Idt enichall nemendtschoduevellopen, de schaffer van jowelker rotte [schall] enbringen erst pande vor tein marck by dem Radt. Ock enichullen de schoeduvel nicht lopen in de kercken, edder up de kerckhöve, bestubben edder schlan. Duffe pande schullen de Borgermester to sick nemen, ein jowelck in sinem Wickbelde, dar schoeduvel lopen wilt, unde holden de to des Rades hand darup; effte jowelker rotte wol wesen hedde, de ungevog gedaen hedde in dem schoeduvele, in kercken edder up kerckhöven, edder in geistlichen personen; dar me na de dinge na hebben möste, edder kost darup liden, dat me seck darane verhalde: also lange namhafftig gemaket vvorde, de de ungevog gedan hedde, unde den Radt unde de partie van derwegen schaden beneme.

CXLV. VVann de Cämmerer reken schullen.

VOrthmer tvvischen dem nigen jahr unde twölfften schullen reken de Cämmerer van allen Wickbelden, ein jowelck van siner Cämmerie by eyden, in jegenvvardicheit der eldesten uth dem Rade unde Radtschvvoren, uth allen Wickbelden; also vor dene de in köken plegen to gaende, unde vor dem, de dem Rade darby nütte düncket vvesen; up dem radthuse in der Nienstadt edder in der köken.

CXLVI. VVu ein jowvelck sine rekenschop by den gemeinen Radt legt.

Ock schall me vveten, vveret, dat duffer vor schreven berörden rekenschop vvelck also langk vvorde, dat de Radt des by einem morgen nicht vvoll afflitten möchte: So scholde de Cämmer in der Nienstadt koste bereden lathen, de de dar by der rekenschop vveren, up dat malck jo dar bleve also lange, by dat dar to ende reket vvere.

Vorthmer, vvat ein jovvelck erkent; dat sy van molenvvarcke, van mölensteinen, van marstalle, van landvveren, van teygelhüsen, van Nottberge, van Lindberge, edder van den Cämmerien, des schall ein jovvelck antvorden dem meinen Rade eine schrift; unde de rekenschop schall de Radt to hope leggen, van jaren to jaren in de kisten by den schreyen boven der köken in der Nigenstadt.

CXLVII. Van Broicke to forderende upt leste.

VOrthmer in den lesten vertein nachten vor der tydt, alse me den Nigen Radt kundigen schall: so schall de meyne Radt unde ein jovvelck Radt in synem Wickbelde forderende de bröcke; unde schuldigen de jenne, de by ören tyden gemeldet syn, dat se schuld gebroken hebben tygen den Radt; unde bringen to ende alsodane lake, alse by ören tyden gegeben unde gevallen syn, alse se best kunnen; up dat de olde Radt dem niegen Rade aldes beneme, alse he vorderft möge.

CXLVIII. Wene me in den nigen Radt kundigen schall.

VOrthmer, des negesten mandages na twolfften, schall de meine Radt uth allen Wickbelden, de dat jahr over in dem sittenden Rade gewesen weren, to hope gaen up die stadthues, unde bespreken, weme me in den nigen Radt kundigen schulle to dem to kamende jare, unde dat schall holden in der wiese, alse in düßem boke erst angeschreven is.

Vorthmer umme funte Michaelis dag uthen, schüllen de vive by seck, unde de seven by seck, de de gemeine Radt gebeden hefft unde gefatt to des Rades unde to der stad gelde unde büdele, tovornde to hope gaen unde bereken by seck, vvo idt gelegen sy umme der stad gelde unde guet; unde provén dat over, oft de Radt darane vves torugge syn, edder to voren vort up raden mögen: Wer me dat to kamende schott högere edder mynnere, edder dat bliven lethe, alse dat eer vvas. Wen de eldesten unde de Radt darup geraden hebben, dar vor der tydt, alse me betengen schall to dem schote to schvverende, schall de Radt up ein vven öne dat beqveme vvesen düncket, de Rades schvveren vorbaden to seck; unde se mede up raden lathen, vvo hoch unde vvo side dat me dat schot setten scholde.

Vorthmer, vvenn de tydt umme kumbt, alse dat me den drefoldigen Radt setten schall darvore umme Wynachten uthen, schall me vorboden lathen Radt unde Rades schvveren, unde bespreken seck des tosamende, vver me by der vviese bliven schulle, dat me den drefoldigen Radt also sette, dat gevesen is vvente her to des nu, alse men scriff M. CCCC. unde X. jahr, des mandages na tvvolfften, XXIV. jahr sind: Edder, efft jemend gedacht hebben vviese, dede beter sy; dat me dar eindrechtliken up raden möge. Unde scholde dat nu by der vviese bliven, so scholden seggen de in dem Rade vveren, unde to dem Rade schvveren hedden van der meinheit edder der gilden vvegen, dat se sick, unde mit den gildemeßtern dar bespreken, dat ein jovvelck gilde dem Rade beschreven geve erlike frome lüde uth ören gilden, dar de Radt uth kesen möge, de önt nütte unde beqveme düncken vvesen darto, dat me den Radt edder to dem Rade toschvverende kesen möge. Unde de vviese to kesende Radt unde Rads schvveren is, dat me kufft in der Oldenstadt negen van der meinheit, VI. van den vvarb schnidern, unde sesse van den vveselern, unde III. van den garveren, unde tvve van den schovvartten, unde III. van den knokenhauern, unde tvve van den kramern, unde tvve van den goldschmeden, unde tvve van den beckeren, unde einen van den schrödern. To dem sulven tydt mag me ock darup raden, efft des Rades edder der toschvveren eydt vvor an to vver beteren edder to vorvvandelen sy, dat dem Rade unde der stad vromheit, bathe edder beqvemheit doen möge.

Vorthmer tvvischen des niegen jares dage unde des mandages negft na tvvolfften, gant eldesten up jovvelckem Wickbelde to hope, malck up sines Wickbeldes radthus, unde raden darup, vvene de Radt möge kesen des ersten jachs, vvenne me den drefoldigen Radt setten schall, in den Radt edder to dem Rade toschvverende; unde vveget over, efft jennig versünisse geschehen sy van des Rades vvegen: edder efft jemant gedacht hedde, dat to der tyt dem Rade unde der stad nütte vvere; dat men dat an den nigen Radt bringe, up dat me dar dat best vvege pröven möge. Alse de eldesten aldus to hope vvesen hebben, vorbodet de Borgemeßter, ein jovvelck sinen radt in sinem Wickbelde, unde radet dar ock up, alse de eldesten vorgedaen hebben, unde settet deme den Radt to dem tokomenden jare, unde ock de toschvveren des negesten jachs. Darna settet de erste Radt den Radt to dem anderen jare, unde de andere den dritten. Unde vvu de gefattet vverden in jovvelckem jare, dat steit geschreven erst an in düßem boke. Unde vvenne me einen nigen Radt settet efft setten schall, dat sy in jovvelckem jare dat id sy, so mach me jo dar to voren up raden, alle jare up düsse sulven tyt.